

周

易

注

周易注卷下

天津李士鈐著

三三咸

艮下  
兌上

咸古感字。澤體虛。山體亦虛。兩虛相受。山澤氣通。故感。澤在山。上。其液下潤。山在澤下。其氣上行。二氣交通。山上草木百物。皆受浸灌。感之象。卦畫三陽三陰。乾坤之體。坤上交於乾而爲兌。乾下交於坤而爲艮。有升降交感之象。又艮爲少男。陽卦也。而降於下。兌爲少女。陰卦也。而升於上。以陽下陰。以男下女。所以感也。男女有相感之情。少男少女相感尤易。二五得位。六爻相應。其感又出於正也。艮爲止。兌爲說。相感則說。爲所感則止也。又止而說之。所以感也。

咸亨利貞取女吉

咸則通故亨。剛柔互濟二五得正故利貞。感之道必本於貞也。女象在外待男而行說而止之女歸之象。男下女是以取女故取女吉。先王制禮自納采問名至於迎娶莫不男下於女。雖御輪三推不以爲過。老子云大國以下小國則取小國故大者宜爲下。是以不下士不可得士不下民不可得民取天下之道其在此乎。

初六咸其拇

感動惟人情爲甚故六爻皆取象於人。拇足大指初居下故象拇上與四應感而欲往然陰柔在下又當艮止之初勢不能進足不行而動其拇身未往而志則在外矣不言吉凶感之初無

吉凶也。

六二咸其腓凶居吉

腓足肚也。二在拇之上股之下。腓之象。人欲行則股之下自動。六二當艮止之中。得靜正之性。乃上係於五。欲起從之。不能自止。是陰柔之性。而有躁動之象。故凶。若能安居而不動。則吉也。九三咸其股執其隨往吝

互巽爲股。三居下體之上。亦象股。艮手爲執。九三上係於陰。感於所說。不能自止。故咸其股。股隨身以動。下隨上以動。二以陽剛之才。不自主而爲隨。且執守其道。自以爲是。此蓋以隨物爲道。自謂物來順應。无所拘滯。不知聖人之因應。中自有主。能應物而非逐物也。三不得所止。但執其隨。以此道往。必吝矣。卦名

咸。故皆以相感取義。而下卦爲艮。故皆當有所止。而不可隨以動也。

九四貞吉。悔亡。憧憧往來。朋從爾思。

四以陽爻居全卦之中。象人身中之心。心爲全體之主。而不爲一體所繫。故此爻獨不言感。四本陰位。又乘艮上。故正固而吉。正固者不繫於偏私。不淆於外物。寂然不動之中。自有感而皆通之妙。所以爲吉。位雖不中。悔亦亡矣。上卦往下卦來。山在下而氣欲上。澤在上而氣欲下。四當其際。故憧憧往來。憧憧往來貌。互巽爲進退。亦往來之象。應初之陰。陰畫耦。陽之朋也。陽動則陰從。此感則彼應。故朋從心之體本自光大。以繫於陰而有所動。有動則爲感。感則必有應。所應復爲感。所感復有應。故朋

從爾思四本心位。心有所感。不名心而名思矣。一念興則念念相續。此起彼應。有若朋從。莫知其何所往。莫知其何所來。雖然浮雲變幻。不礙太空。鏡中之影。有往來。而鏡无往來。心中之思。有往來。而心无往來。惟聖人私欲淨盡。廓然大公。虛靈不昧之中。无所有。亦无所不有。无所感。故无所不感。何者。謂往。何者。謂來。莫非天理之流行。自然之因應。何思而何慮也。

九五咸其脢无悔

五居身上。象脢。脢背肉也。上不至口。則无言。下不至心。则无思。无思无言。則无得失。雖不能有所作爲。而亦无妄動之患。故无悔。

上六咸其輔頰舌

兌爲口。輔頰在口旁。舌在口中。故象之上居一身之上。亦輔頰舌之象。陰柔无位。感不在心而在口。故感其輔頰舌。所謂感人以言其本已淺也。

三三恆

巽下  
震上

恆常久也。雷起有時。風生有候。皆有恆者。雷動風散。一物常相資助。以生物於不窮。恆之象。夫雷發則有收。風生則有息。何以爲恆。蓋惟有發有收。所以長發。有生有息。所以長生。惟能變易。是以不易。凡賦形一定而不遷者。必有時而終。虛靈變化之物。循環周流。萬古而不息。此風雷所以爲恆也。天地之道。恆久不已。於風雷見之矣。又震長男。巽長女。長男代父。長女代母。父終則子繼。花謝則果生。所以恆久而不已也。雷上風下。天道之恆。男外女內。人道之恆。陰陽相應。入而動之。恆之道也。卦承咸。少男少女。則感長男長女。則恆矣。男下女上。則感。男上女下。則恆矣。故觀於咸。知陰陽之所由合。觀於恆。知陰陽之所由成。



恒亨无咎利貞利有攸往

恒久則無不通故亨。二五雖失位可以无咎剛柔相濟六爻正應故利貞能入而動故利有攸往雷之行風之起皆往之象夫或作或輟者无所可行或行或止者无所可至故舟車之行不停而通於天下日月之運無已而光被四表恒所以利有攸往也又易窮則變變則通通則久天行不息故不終水流不停故不竭不有攸往何以爲恒乎。

初六浚恒貞凶无攸利

浚深也乾爲淵初在淵下故浚巽爲入初又在巽下深入之象陰柔居初但務深入有入而无出有經而无權以此爲恒失之遠矣故貞凶无攸利一說凡事由淺以入深恒之初而務求深

猶方有事遽望成功。方爲學卽期造道。方蒞政卽求化民而易俗。所以凶而不利也。蓋凡事漸則能久。不漸則不能久矣。

### 九二悔亡

九二失正宜悔。恆而得中故悔亡。中庸曰人皆曰予智擇乎中庸而不能期月守也。久於中道何悔之有。

### 九三不恆其德或承之羞貞吝

九三剛躁不中。處上下變易之地。故不恆其德。巽爲入。至三則勢欲出。九三艮爻爲止。上承震則又爲動。巽爲進退。而三又居進退之地。巽究爲躁卦。至於三爻躁甚矣。故此爻獨爲不恆。乾爲德。三爲人位。故稱德當大坎中爲羞。或承者有取羞之道。必有奉以羞者。不必定爲何人也。承猶奉也。羞恥辱也。德之不恆。

必無成就。若守此而不變。所謂以妄爲常。以躁爲正者。各道也。故貞吝。象傳曰。无所容者。不恆之性。无所可居。上下皆不容也。九四田无禽。

九四用巽之繩。挾大坎之弓矢。故田田獵也。禽獲也。應爻在初。初陰虛。故无獲。不中不正。雖恆久而亦无禽。蓋久則有獲者。理也。然必須得其道。久獵於山。必得獸。久釣於水。必得魚。若不得其位。猶緣木求魚。固无得矣。學不衷諸聖而望其成治。不準諸王而求其治。猶航斷港絕流以斬。至於海也。雖日夜不息。庸有濟乎。

六五恆其德貞。婦人吉。夫子凶。

六五柔得中居尊而下。應九二之陽。風起而雷隨之。陽唱而陰

和之專一以聽。志不旁及。婦人從夫之正。故恆其德貞。婦人占之則吉。若夫子則當制義。專聽於一。是以夫從婦。以陽制於陰也。故凶。五陰一陽。故五有婦人之象。震男巽女。故五又有夫子之象。易故兩爲之象。而各示以道。

### 上六振恆凶

上六震卦之終。故振恆。振動也。陰柔在上。動之至。恆之極。能動而不能靜。知常而不知變。故凶。雷有發有收。風有起有息。所以能恆久而成歲功。振恆則有發无收。有起無息。執一不變。能有功乎。

三三 遯

艮下  
乾上

遯。隱避也。山高有限。天大无邊。山在天下。隱伏不見。遯之象。艮當止而乾當行。遯之義。又艮爲門。乾行於外。君子出門而去之也。乾亦爲野。艮爲止。互巽爲遯。遯於野而止於下。皆遯象也。艮止則无欲。乾健則能決。非无欲者不能遯。非能決者不果遯。此易之微意也。卦畫二陰生於下。陰氣浸長。陽氣浸消。小人進則君子退也。卦四陽二陰。陰未甚盛。何以遽遯。蓋二陰生於下。有必長之勢。故見幾而作。若待陰消陽盡。雖欲遯而不及遯矣。

遯亨 小利貞

卦雖名遯。而陰氣方長。不過乎中。二五得正相應。又有交通之美。故亨。知進知退。遯之所以能亨也。小者不足以大也。陰得位。

故稱小。小利貞者。時未至否。雖不大利。大貞猶足以小利貞也。又小者陰也。小浸長而得中得正。以順乎陽。不失正固之道。故小者利貞。卦主於陰。示以利貞者。不願其進而消陽。所以教小人也。蓋小人從君子。小人之福也。小人害君子。小人之禍也。易爲君子占。不爲小人謀。而有時爲小人立訓者。訓小人以君子之道。所以化小人爲君子也。故以君子害君子。君子亦小人。小人從君子。小人亦君子。易不以邪佞教人。卽所謂不爲小人謀。必盡棄小人而痛絕之。亦非天地之量聖人之教矣。

初六遯尾厲勿用有攸往

初象尾剛後有柔。亦尾之象。初六陰柔不決。不能遯其身。而僅遯其尾。藏尾露頭。非善遯者。賢者遭逢亂世。或潛身於下吏。而

才望隱動當途。或溷迹於市廛。而姓字傳於婦孺。藏身不密。不爲朝廷所物色。卽爲權貴所羈縻。危甚矣。巽風爲往。初伏其下。勿往之象。遯之世本無可往。初雖藏身不密。而不往。猶可以止。而自全。若蔡邕膺董卓之辟。揚雄污莽大夫之命。則不知勿用。有攸往之義也。

六二執之用黃牛之革莫之勝說

二本臣位。與五正應。君臣之義無所逃於天地之間。故此爻獨不言遯。六二離爻。故象黃牛。艮爲手。故執之。黃言其中正。牛言其柔順。革言其堅固。革皮也。二承羣陽。而又與五正應。以柔順中正之德。承順羣賢。不使之遯。而固其志。故執之用黃牛之革。陰陽相繫。固結不解。故莫之勝說。說解脫也。詩曰。繫之維之。以

永今朝。又曰。毋金玉爾音。而有遐心。此留賢之切也。

九三係遯有疾厲畜臣妾吉

九三乘下二陰而體艮止。故係。巽繩艮手係之象。係遯者不能孤身遠隱。或溺志於田園。或不忘乎子女。有係而遯。遯必不善。故有疾而危也。巽風爲疾。疾陰象。陽係於陰。恐其終被陰消也。艮爲闔寺。初在艮下。艮又爲少男。臣之象。臣猶僕也。二在艮中而互巽。巽爲長女。妾之象。三以一陽居二陰上。畜之之象。山天爲畜。天山亦可言畜。艮爲止。止之所以畜也。三雖不能藏於野。亦不可進於朝。雖不能若隱逸之無事。亦不可任國家之大事。但可居家畜養臣妾。則吉矣。蓋陰氣方長。三爲所係。則必至傷。然在二陰之上。以陽乘陰。其勢爲順。三不能使陰之去。當善御。



之如畜臣妾然蓋能用小人不爲小人用也象傳曰不可大事者不可任國家之事但畜臣妾而已亦以見臣妾者供細事則可大事則不可也

九四好遯君子吉小人否

九四距陰稍遠已出內卦而至外卦變艮之止爲乾之行能遯者也下應初六之陰本相和好而陽剛能斷當遯則遯不係於私而以善退故好遯此大臣致仕之象君子之吉道也若小人則優柔寡斷貪榮戀位終成否隔之患故曰小人否否或作不言小人不能以好遯也古之賢臣功成則退年老則退故雖去位君敬民思若小人未有不遭貶謫而去者也

九五嘉遯貞吉

九五剛健中正。下應於二。陰陽相和。兩中相接。不爲私昵。而以正退。故嘉遯貞吉。嘉會以合禮。進以禮退亦以禮。所以吉也。九五君位而能嘉遯。如堯舜之使舜禹攝位。及舜禹之避位。是也。上九肥遯无不利。

上九處事之外。无應於下。故超然遠引。無所繫戀。逍遙充裕。无不利也。乾盈爲肥。肥一作蜚。巽爲鳥而位天上。如鳥高飛遠去。不罹網罟之害。海闊從魚躍。天空任鳥飛。此象似之。

三二大壯

乾下  
震上

大壯陽盛壯也。乾爲健。震究爲健。皆有壯意。天無所不覆。雷無所不摧。雷行天上。聲威壯極。大壯之象。剛健而動。大壯之道也。陽長之卦。至於三而陰陽均。故泰。至於四則陽盛矣。故大壯。又九四之陽。進據陰位。故壯。以陽爲主。故稱大。

大壯利貞

陽氣盛長。而六五之陰得位。陰陽相濟。二五正應。故利貞。過剛則近於暴。好勇則防其亂。故大壯不可不正也。

初九壯于趾。征凶有孚。

初爲趾。初九震爻亦爲趾。釋陽方生於下。不足以行。故壯於趾。時宜潛養。不可躁進。若恃強而征進。則必致傷而凶矣。震爻有

征象有孚者陽信於陰也。應卦互兌。兌有孚象。初距陰遠。無相侵害之意。陰固信之。但不當躁進。以自取禍耳。昔漢宋太學生等。皆以位卑言高。身罹於禍。而其時君固未嘗不信之也。

### 九二貞吉

九二在四陽之間。獨得中位。不過乎壯者也。以陽居陰。而上應五。不恃其壯者也。故貞吉。書曰。沈潛剛克。高明柔克。傳曰。寬以濟猛。猛以濟寬。故大壯四陽爻。陽爻居陽位者。凶。陽爻居陰位者。吉也。

### 九三小人用壯。君子用罔。貞厲。羝羊觸藩羸其角。

九三陽居陽位。過剛而不中。若小人則以壯爲壯。故用壯。君子則以无壯爲壯。故用罔。罔猶無也。記曰。衽金革。死而不厭。北方

之強也。似小人之用壯。寬柔以教。不報無道。南方之強也。似君子之用罔。要皆志在於剛。故正固而危也。互兌爲羊。又大體亦爲兌。故三、五、六皆稱羊。羊外弱內狠。象兌之外柔內剛也。羝羊殺羊也。喜用壯。故觸藩。藩籬也。震爲竹爲葦。而在外。故稱藩。恃壯而進。必傷。故羸其角。羸困也。三在下體之上。角之象。乾爲首。在乾上。亦角之象。

九四貞吉。悔亡。藩決不羸。壯于大輿之輹。

九四陽處陰位。進而承五。亦能不恃其壯。故貞吉。雖失位。其悔亦亡。震爲藩。三前有四。四爲剛爻。故三觸之而羸。四前一陰。陰體虛。無禦之者。故藩觸而決。不至困羸。初至五。互夬。夬決也。兌亦爲決。附決則不羸矣。震爲行。又爲大塗。羊行於大塗。有何困。

平。乾爲大興。坤爲腹。四率羣陽以進。陽氣太盛。侵入陰位。由泰而爲大壯。變坤爲震。故壯於大興之輿。

六五喪羊于易无悔

六五陰居陽位。當大壯之時。而反用柔。值陽長之際。而忽遇陰。故喪羊於易。易疆場也。陰虛爲喪。兌毀折亦爲喪。震大塗爲場。陰柔之性。不能用壯。故喪之。然得中居尊。柔道亦可以治天下。不能用壯。亦不得爲過也。故雖失正而亦无悔。

上六羝羊觸藩不能退不能逐无攸利艱則吉

位在上故不能退。性陰柔故不能遂。壯之終。動之極。徒自取困。无攸利也。惟以柔道處大壯之終。化剛爲柔。艱難困苦。則久而致吉而咎不長矣。

三三晉

離上 坤下

晉進也。離爲日。出於地上。故晉。互坎爲水。互艮爲山。日出乎地。先照於山。徐升焉。以照於水。然後至於上。晉之象也。又日在天。上則明及遠。爲大有。日出地上。未及於天。不能徧臨天下。爲晉。故彖辭取象於諸侯也。離明而坤順。晉之道也。卦畫陰爻居五。五爲陽之尊位。一陰進而居之。陰宜居下。而進乎上。陰宜居柔。而進乎剛。離下之三陰。而進於尊位。又有以下接三陰。三陰亦順之而進。故晉也。晉反明夷。上有明君。可以進矣。此言外意也。晉康侯用錫馬蕃庶。晝日三接。

康安也。五爲君位。陰爻居之。代天子治百姓。諸侯之象。日初出。地光及近。而不及遠。猶諸侯治一國而不能治天下也。離又爲

勸明而治。人君之象。坤爲土地人民。坤又爲安。故稱康侯。互坎爲馬。坤亦爲牝馬。坤又爲眾。蕃庶眾也。離日在上爲晝。故晝日三陰在下。故言三接。錫貢也。貢諸天子也。詩曰。秉心塞淵。騄牡三千。侯有賢德。則馬蕃庶。乃修朝貢之禮。上奉天子。恭順之至。朝王而王享之。一日至於三接。寵至禮備。文明之盛也。屯。豫王。建諸侯之象。晉則諸侯朝王之象。

初六晉如摧如貞吉罔孚裕无咎

初爻當晉之始。故晉如。陰柔居下。不敢遽晉。上遇互艮爲止。止其前進。故摧如。摧。阻抑之也。摧。或作崔。上遇艮山。崔崔然也。故崔如。與五同德而應在四。四能阻之。故不輕進。君子難進而易退。初體柔順之德。安无位之素。正固守之。所以爲吉。互坎爲孚。



初六巽爻亦有孚象。初爲庶民。无以見信於上。而四又不中正。不能相信。故罔孚。人知之亦囂囂。人不知亦囂囂。處以充裕。故无咎。孟子曰。我无官守。我无言責。則我進退。豈不綽綽然有餘裕哉。初無位。所以裕而无咎也。象傳曰。未受命者。初爲庶民。故未受命。巽爻有命象。

六二晉如。愁如。貞吉。受茲介福于其王母。

六二晉居臣位。與五德同道一。同氣相求。五升則二亦欲上。故晉如。互坎爲憂。故愁如。與五同德而不相應。又恐九四一爻或爲君害。所以愁也。蓋六二有中正之德。以進爲懼。雖受命任職。无喜色。而有愁容。居廟堂之上。則憂其民。處江湖之遠。則憂其君。此公忠體國之臣。社稷人民。終惟斯人是賴。故正固而吉。王

周易卷下  
母祖母也。指六五。六五以陰居尊。王母之象。與二雖非陰陽之應。而有同體之親。五子二以大福。二親受之。固非外人所得間也。介大也。一說介猶界也。界別於四。不因四以受。乃自受其所當受也。

### 六三眾允悔亡

三體坤順之性。居內卦之上。上與五同功而同德。下與初二同卦而同心。羣陰允從。以晉於上。雖不中正。其悔亦亡。允信也。從也。坤爲眾。

### 九四晉如鼫鼠貞厲

九四晉至上卦。出坤之上。故晉如。以陽據陰。不中不正。而竊高位。上欲以蔽六五。而君體離明。有不敢欺。下欲以掩羣陰。而下

皆順進。有不易過。貪而忌畏人。故比象於鼫鼠。貞厲可知矣。互艮爲鼠。又陽動於陰中。猶鼠之出於夜也。鼫一作碩。碩大也。陽爲大。故稱碩鼠。

六五悔亡。失得勿恤。往吉。无不利。

六五不正乘剛。宜有悔。然以明達之才。居大中之位。下皆順從。強臣不能爲害。故悔亡。互坎爲恤。應坤之順。故勿恤。陰虛故失。秉承皆陽。故得。六五柔順文明。賢侯之象。出以奉天子。則國而忘家。公而忘私。入以治一國。則樂民之樂。憂民之憂。以天下之心爲心。而无自私自利之見。一己之失得。在所勿恤。以此道往。吉而无不利矣。蓋六五惟不求利。是以无往不利。此謂國不以利爲利。以義爲利也。

上九晉其角維用伐邑厲吉无咎貞吝

離爲牛。牛上則角。剛而在上。亦角之象。晉其角。則无可晉矣。離爲戈兵甲冑。征伐之象。不能晉於外。則反而治其內。又日在地。上光不足以照四海。故維用伐邑。邑指內卦。征伐自天子出。晉爲諸侯之象。雖明德昭著。亦僅伐自己之私邑而已。然亦必危厲而後吉。而无咎。又必迫於不得已。而偶一用之。若以此爲常。終爲吝道。易之垂戒深哉。

三三 明夷

離下  
坤上

明夷。夷傷也。日爲大明。日入地中而掩其明。故明夷。坤爲迷而在上。離爲明而在下。猶上有昏主。明者見傷之時也。離明在內。所以自晦。坤順在外。所以應世。可以處明夷矣。

明夷利艱貞

二得正而掩於下。故利艱貞。艱所以晦其明。貞所以正其志。處明夷之道也。詩曰。民之多辟。無自立辟。不晦其明。則招忌生嫌。而亡其身矣。又詩曰。其何能淑。載胥及溺。不正其志。則隨波逐流。而失其道矣。艱貞所以明而不夷也。

初九。明夷於飛。垂其翼。君子於行。三日不食。有攸往。主人有言。日有飛鳥。離象也。故飛。明夷之始。故明夷於飛。初三象兩翼而

初在下。垂之象。陽氣始升而卽見傷傷則不敢進。戢翼避禍。故垂其翼。初九震爻。故於行。三日三爻也。互坎爲飲食。在坎下。故不食。初居无位之地。有見幾之明。當害之始。蓄而卽去之。故君子於行。君子避惡若浼。以義自守。渴不飲盜泉水。熱不憇惡樹。陰君子之志也。旣避其人。則不可食其食。故三日不食。伯夷避紂而采薇。四皓避秦而茹芝。不食非義之食也。震爻有往象。明夷之世。昏濁滿目。往无可歸。若有攸往。則所主之人。譏議之矣。主人謂二。二爲下卦之主。故初以二爲主人。以陽承陰。故有言震動有聲言之象。

六二明夷夷於左股用拯馬壯吉

二爲離明之主。昏君所忌。夷於地中者。此爻也。故稱明夷居下。

體稱股二四陰位爲左陰主退陽主進陰在後陽在先陰而在下左股之象凡人動作則右手爲宜起居則左股常後夷於左股者雖傷而未甚也二與五有君臣之義又體恭順之德不恤其身而恤其君苟可以效於君者無不效之苟可以救君之失者無不救之傷方未甚臣之力尙可用君之德尙可回當此而不急拯此後恐臣力竭而大勢亦無可救矣故用拯拯救也馬壯指九三三互震爲馬坎亦爲美脊馬九三陽爻故壯二旣見傷不能自達於五速舉賢才以救君失則吉馬壯可以代人賢人可以代己此湯所以進伊尹於桀文所以進膠鬲於紂也九三明夷于南狩得其大首不可疾貞

離爲兵戈甲冑二至上互師狩之象狩冬獵也互坎爲冬故言

狩。南離位離至南則得地矣。三居離上。爲明之極。日出地位之上。可以破昏闇。又居震爻。可以播明威。故得其大首。九三陽爻稱大。上六居其上而爲一卦之首。故稱大首。二離明之極。六坤暗之極。暗極則不可救。必出於伐。此猶湯武之明君伐桀紂之昏主也。不言伐而言狩者。下不可以伐上。故言狩而有得也。但事出非常。當緩進徐行。不宜疾速。通權達變。不守常經。故不可疾貞。一說疾害也。以仁伐暴。以正伐不正。故不可害正也。坎爲疾。

六四入于左腹。獲明夷之心。于出門庭。

六四巽爻。故入。坤爲腹。四陰位。爲左。故入於左腹。四在卦中。爲心。互坎亦爲心。坤爲闔戶。坎爲宮室。互震爲出。入。外卦故稱入。



出內卦故稱出也。四以陰柔之性立昏主之朝以近臣之位膺腹心之寄。故于一出門庭之間。卽得明夷之君心矣。蓋不能入於其內。則不能獲於其外。彼以疏逖小臣不知昏主隱微錮蔽之處。雖伏闕而爭。撼柱而呼。豈能得其心乎。一說於出門庭出而去之也。

六五箕子之明夷利貞

六五以陰居尊。故稱箕子。箕子雖臣而爲紂王之宗親。若使之佐君理國。則殷可不亡。易以箕子居六五。蓋傷之也。周公攝位而周興。箕子陽狂而殷亡。良可慨矣。利貞者。藏火於灰。則火常在。而來日可以復傳。箕子遇紂晦明於身。則明不息。而他日可以復彰。故箕子之明夷。非僅以正一己也。抱道在躬。居正俟時。

卒能衍洪範之傳立君道之中而天下萬世胥賴以正箕子之貞大矣箕子之明亦遠矣六五離爻故傳云明不可息。

上六不明晦初登于天後入于地

上六明夷之甚坤迷之極故不明而晦上爲天位居上故初登於天坤爲地居卦之終故後入於地不能自昭明德欲常居上得乎其位愈高則其敗愈甚可不懼哉

三三三家人離下  
巽上

家人家內人也。巽長女離中女。二女相順以治閭內。故稱家人。巽風離火。有相依之勢。巽爲風。亦爲木。風自火出。火自木出。有相生之理。所以象家人。又風生於東。則沒於西。火生於此。則照於彼。婦人內夫家之象也。巽爲入。入於內也。離爲麗。麗於內也。亦有家人之意。明以持家。而巽以相接。家人之道也。火爲禮。風則善。入以禮治家。而徐徐善化之。亦家人之道也。卦畫二五得正。五爲男。正位乎外。二爲女。正位乎內。男女得正。可以治家矣。蓋家人之取象。雖在女。而家人之本。則在男。風必有所由起。火必有所由生。可以悟家之所由齊矣。

家人利女貞

利女貞者長女中女也。長女在上。中女在下。次序之正。二陰五陽相應之正。四承五。二承三。陰陽之正。故貞內者外之本。女正則家道正矣。故利也。堯觀舜而女以二女。詩人詠文王而稱后妃。其識此意也夫。

初九閑有家悔亡

閑防也。防閑其有家也。離火主禮。禮禁於未然。志變而後教之。家瀆而後治之。則已晚矣。故顏之推曰。教子嬰孩。教婦初來。初九乃家人之始至。家道之始立。志未變。情未瀆。而以剛德閑之。雖承陰而悔亦亡。互坎爲宮室。初九震爻爲木。宮中有木。閑之象。所謂禮始夫婦爲宮室。謹內外也。內言不出於閫。外言不入於閫。閑之謂也。又坎爲水。初近於坎。象水之隄防。有隄防則不

亂流亦閑之象。

六二无攸遂在中饋貞吉

六二陰居中正承三而上應五以陰順陽又承巽命故无攸遂  
巽爲不果有无攸遂之象遂專也地道无成婦道无專故大戴  
禮曰婦人伏於人者也是故无專制之義有三從之道在家從  
父適人從夫夫死從子無所敢自遂也離爲火互坎爲水水火  
烹飪饋之象離爲中女又在內卦之中故在中饋中者婦人之  
位饋者婦人之職詩曰無非無儀惟酒食是議故采蘋繫以承  
祭祀潔滌隨以事姑嫜婦之美德也故正固而吉。

九三家人嗃嗃悔厲吉婦子嘻嘻終吝

九三居二陰之間處內外之際所以持家者也故持家之道備

於此爻二過剛不中。失之於嚴。故家人嗃嗃。嗃嗃苦熱之意。居離上則人苦其熱。過剛則人苦其嚴。能悔而濟以柔。則雖危厲而能吉。然濟以柔則可。過於柔則非。若遂昵比和樂。不以禮節。至於婦子嘻嘻。終必有吝。嘻嘻驕佚喜笑之態。三以陽承陰。上下皆陰。故又有嘻嘻之象。巽長女。離中女爲婦。九三艮爻爲子。互坎中男亦爲子。離火飛不常。故忽嗃嗃忽嘻嘻也。一說嗃嗃一義稍嚴。則家人嗃嗃。尙未爲失。過剛則婦子嘻嘻。爲失家節。嘻嘻歎懼之貌。然不如作兩義解。較爲賅備。嘻一作喜。一作嬉。是嘻與喜嬉同意也。

六四富家大吉

六四陰居陰位。據三之陽。應初之陽。而上承九五之陽。得乎上。

化乎下。上下皆正。無有不順。故富家大吉。所謂父子篤兄弟睦。家之肥也。巽爲利市三倍。四巽之主爻。又承陽應陽。故富。陰爻而稱大者。如大有之以陰得陽而稱大有也。四進承九五。則足以膺厚祿。俯接三爻。則足以養眾人。又出內卦而至外卦。柔順之德。積中發外。是以富而大吉。卦中二陰皆得正承陽。一在下。故事人。四在上。故養人。陰道至於養人。則其吉大矣。

九五王假有家勿恤吉

九五君位。故稱王。陽剛中正之德。而有巽入之意。乘四之陰。應二之陰。陰陽相接。故王假有家。勿恤吉。假至也。互坎爲恤。五出坎外。故勿恤。王至家者。略君臣之分。敦家人之誼。聯之以恩。接之以情。交相親愛。所以爲吉。後世人君之處家庭。不牽於私愛。

則薄於恩誼。父子或不相見。夫妻或不相親。分隔情疏。以至釀成骨肉之變者。比比然矣。此易之所戒也。夫王者立政。往往詳於國而略於家。不知門內不和。則境外不可得而治。故易於家人之卦。獨揭夫王。意謂國之本在家。王化之原在是也。又王者以四海爲家。由此道以推之。一家交愛而一國交愛。一國交愛而天下交愛。上下契合。誼美恩明。王道隆而齊家之效遠矣。

上九有孚。威如終吉。

家之本在身。上九家道之歸宿。故推本於正身。巽有孚象。有孚者陰陽相信也。陽爻稱威。火亦有威象。下應離火。威而不猛。故威如陽剛居上。羣所仰瞻。正己率人。故信孚於下。非故爲嚴厲之貌。而誠敬所發。自然不怒而威。不肅而嚴。是以終吉。詩曰。刑



于寡妻。至於兄弟。以御於家邦。又曰其儀不忒。正是四國。此交之義備矣。

三三睽

兌下離上

睽乖也。離火上升。兌澤下潤。上下相違。睽之象。離中女。兌少女。二女同居。其志不同行。終則各有所歸。故睽。長女有代母之理。可以相合。中少相處不相合也。家人之後繼以睽。家之睽由於婦人也。又卦反家人。家人二陰得正。睽二陰失正。女不正則家道乖。此卦之微意也。離爲目。兌上缺。所以象睽。說而麗乎明。處睽之道也。

睽小事吉

陰得中而有應。故小事吉。陽爲大。故主大。陰爲小。故主小。卦惟六五一陰得位。故小事吉。小事猶一人之事。獨行其志可也。若大事爲國家天下之事。必集眾力爲之。而人情方睽。豈可爲乎。

初九悔亡喪馬勿逐自復見惡人无咎

剛在下而无應宜有悔居正體說在睽之始尙易於合故悔亡震爻爲馬互坎亦爲馬遇兌之缺因震之驚故喪馬馬之逸追愈急則愈遠靜以待之則自還震又爲復故勿逐自復惡人謂四四互坎爲險位不中正而與初不相得故爲惡人凡睽之始皆由於好同伐異褊急而不舍宏初肯見四而不絕之不與之合亦不與之忤故无咎二至四互離爲見初歷二以至四相見之象馬愈逐則愈遠惡人愈避則愈仇自來禍變之興固在小人而由君子絕之太過以激成其亂者亦不少也

九二遇主于巷无咎

九二以六五爲所主之人二往歸五五已來交於二故不期而

遇於巷雖兩皆失位而兩皆得中原非苟合此猶睽隔之世君  
擇臣臣亦擇君幸而相遇固无咎也巷宮外之小徑互坎爲宮  
室二在宮室之外故於巷二五互既濟故遇春秋書法備禮則  
日會禮不備則曰遇睽之日素不相契卒然相逢其禮不備故  
書曰遇不言君而言主者睽之世君臣之分未定也

六三見輿曳其牛掣其人天且剕无初有終

互坎爲輿離爲牛故輿曳牽引之也離爲目故見角一仰一  
俯爲掣離高兌下不能一致故其牛掣三爲人位故稱其人居  
內卦之上爲首遇兌之毀坎之刑故天天剕額也兌爲鼻遇兌  
毀坎刑故且剕剕割鼻也六三不中不正際火澤相睽之間雖  
有輿而不能自進雖有牛而不能駕車欲往應上而二毀於後

四阻於前。剋其面。使不得上仰。割其鼻。使氣不得上通。困憊甚矣。然陰道先迷。而後得主。始雖見阻。終與上應。故无初有終。陰終陽事。故有終也。

九四睽孤。遇元夫。交孚。厲无咎。

九四遠於羣陽。陷於二陰。故睽孤。陽畫奇。獨立於上。孤之象也。下應初九。初九震爻。故稱元夫。睽隔之日。禮有不備。故遇之。兌離雖睽。睽於後。不睽於初。其後相違。其始則同。秉夫坤道。初爲兌之初爻。四爲離之初爻。又皆有陽剛之才。足以通陰而合睽。故能交孚於陰。雖厲而无咎。兌坎皆有孚象。一說九四陽爻乘六三之陰爻。陽爲元夫。三四近接。而陰陽相合。故遇而交孚。雖危无咎矣。

六五悔亡厥宗噬膚往何咎

六五得中位雖不正而悔亦亡。宗主也尊也。陰以陽爲宗。六五應九二之陽。二五同德。二之陽五之宗也。五欲合二爲四所隔。必噬去之而後合。故噬五柔順得中。與二正應終非四所能間。故如膚之易噬。膚噬則睽者不睽矣。坎爲豕。膚肉之美者。兌爲口。噬之象。二互至上有似噬嗑象。險阻去則君臣之道通。頑梗化則上下之志合。往則何咎。

上九睽孤見豕負塗載鬼一車先張之弧後說之弧匪寇婚媾往遇雨則吉

上九一陽隔於上。睽孤之象。離爲見。互坎爲豕。上應三以三爲豕也。坎又爲溝瀆。三在坎下。故負塗。塗泥塗也。坎又爲車爲鬼。

四亦爲鬼位。兌爲巫。故載鬼一車。坎爲弓矢。又爲寇。上與六三相應。爲婚媾。上離之終。三兌之終。當睽之極而不相信。故恟恟離奇。妄有所見。見豕負塗。疑其汚己。載鬼一車。疑其祟己。先張之弧。疑其爲害。而欲射之。後脫之弧。疑其非害。而姑置之。其實三爲正應。固匪寇而婚媾也。說卽脫字。猶弛也。夫上本離體。因不當位。遂因疑而蔽其明。如日在天上。而水澤之氣濛濛然蔽於其下。則明遂有所不見。久之則氣自解而明自復。明復則疑亡。疑亡則睽合。故往遇雨則吉。坎水爲雨。兩者坎水上而下也。雨下則陰陽合。而蒙蔽之象解矣。此治睽之道也。

三三蹇

艮下坎上

蹇難也。跛於行曰蹇。行難也。坎險而艮止。故難。水在山上。艱阻而不易行。蹇之象。又前有險陷。後有峻阻。亦蹇之象。見險而能止。處蹇之道也。

蹇利西南不利東北。見大人貞吉。

坎北方卦。艮東北方卦。水行山上則蹇。故不利東北。東北謂艮。東北之對西南。西南爲坤。水行地中則不蹇。故利西南。一說西南謂外卦。坎以乾之中陽交坤而爲坎。是坎以剛中之德有坤之象也。故利東北。謂內卦艮以乾之三陽不得位而窮於上。故不利。又坤象曰西南得朋。東北喪朋。朋謂陰。陽畫奇。陰畫耦。耦朋之象也。陽統陰。故陰以陽爲君。陰助陽。故陽以陰爲朋。蹇之



周易 卷一  
時獨力不足以行故必須眾人之輔翼故利於西南得朋之地不利於東北喪朋之地也。大人指九五陽居尊位中正有應一卦之主所以集眾力而濟大蹇者故天下利見之。二五正應故貞貞者不以詭詐出險而以正大成功吉之道也。

初六往蹇來譽

初六陰柔之才不能濟難又居下位而上无應故往則遇蹇來則得譽蓋距險獨遠止於最先識時務者稱為俊傑故有譽也。六二王臣蹇蹇匪躬之故

王指九五二為臣位以陰應陽以下事上君臣分定故稱王臣當蹇之時膺蹇之任故稱蹇蹇上卦坎險互卦又遇坎險蹇而又蹇之象二雖陰柔不足出險然既委贄為之臣矣雖重蹇有

不敢避。鞠躬盡瘁。不爲身謀。成敗利鈍。皆非所計。詩曰。微君之故。胡爲乎中。露微君之躬。胡爲乎泥中。爲君國不爲己身。故曰。匪躬之故。初三四上皆不得中。故當蹇難之時。往來靡定。一得中應五。君臣之分已定。故不言往來。

### 九三往蹇來反

九三不中。體艮止而近坎險。故往則蹇。來則反。反者反就二也。三不中不能濟蹇。故就乎二。二力弱不能濟蹇。必依於三。陰陽相資。可以出險。故二喜其反也。

### 六四往蹇來連

六四雖近承九五之君。而陰柔之才。不能獨濟。故往則蹇。來則與下卦連合。接用羣賢。合志事君。以濟大難也。由反而連。雖未

卽出險而巳有濟險之資焉。

九五大蹇朋來

九五濟蹇之君。天下之難。身獨當之。所謂遺大投艱於朕躬也。故大蹇。非常之任。非隻手所能勝出。治固在一人。輔治心資羣力。非朋來不可也。夫虎嘯則風生。龍吟則雲起。有堯舜湯武之君。自必有禹皋伊呂之臣。九五剛中之德。膺大蹇之任。自有朋來爲之助矣。不言臣而言朋者。降尊以求賢也。朋指眾陰。九五承陰乘陰。應陰而位則在中。德則爲剛。故羣陰咸來佐之。以濟蹇也。

上六往蹇來碩吉利見大人

上六陰柔无位。不能濟難。故往則蹇而來則內就九五之陽足。

以解難。故吉。碩大也。陽爲大。指五。五在上卦之內。故來就之。一說碩指三。三陽爻。上之正。應當與之合。以從九五也。大人指五。上雖不在位。而陰則從陽。蹇則求解。聖君所在。雖無位之人。亦依之以享太平。故利見大人。況五爲賢主。志切求朋。明天子在上。可以輔助之矣。五不言吉。而上言吉者。五在坎中。上居坎外也。

三三解坎下  
震上

解散也。緩也。坎險而震動。動在險外。則出乎險。故解雷之威。無所不摧。水之德無所不滌。震雷在上。坎雨在下。破天地煩鬱之氣。而洗濁垢。下至百果草木。皆因之以甲拆。解之象也。又天地氣通。雷雨乃作。亦解之意。

解利西南。无所往。其來復吉。有攸往。夙吉。

震東坎北。其對西南。西南坤地。雷雨已解。水行地中。故利西南。解承蹇。故利西南。與蹇彖同。不言不利東北者。艮象不見也。且險已解。則无不利矣。又西南陰位。得朋之地。險難既解。故利於西南。得眾朋以輔之也。已解。則无事故。无所往。待其來復。蓋大難初平。當清靜無爲。以養元氣。定人心。不更生事以擾之。則氣

自復元人自復業故吉震有復象若有事而有攸往則必夙乃吉夙早也蓋人心初定若有所事必當速了不可曠日遲久重擾吾民昔人云天下本無事庸人擾之爲煩耳无事不生事有事則卽了之此所以常如无事也內卦剛來得中故无所往其來復吉外卦震動而出故有攸往夙吉

### 初六无咎

初六柔居剛位不正宜有咎然以陰承陽以下奉上當解之初不任其事但安庶民之分以聽於上義无咎也爻辭之簡易者无過此爻亦以解難之初无所事事故不多繫之辭也

### 九二田獲三狐得黃矢貞吉

互離爲網罟坎爲弓矢故田田獵也或謂田野二在地上田之

位。坎爲狐。三者三爻也。或云三陰爻爲三狐。或云狐指六三。互離爲黃。陽實爲得。故得黃矢。蓋狐旣獲則射狐之矢亦得矣。狐性善媚。喻猶陰柔之小人。能惑君心。六五之君。又陰柔而易惑。君心惑則難雖解而旋生矣。二有剛中之德。爲六五所倚任。其力足以治之。故獲三狐。物三爲羣。獲三狐。小人盡矣。黃者言其得中。矢者言其剛直。惟中直始足以去小人。而大難永平矣。故貞正而吉。

六三負且乘致寇至貞吝

三陰居陽位。不中不正。上承九四之陽。其象爲負。下乘九二之陽。其象又爲乘。坎爲輿。三在坎上。乘之象。居上卦之下。又負之象。在車上而負物。則知非其所有。而盜賊欲起而奪之矣。坎爲

盜三以小人倖據高位以致寇之來奪寇固三之所自致也故  
貞而吝凡物非其所有者有必不久位非其所處者處必不安  
匹夫而獲千金則寢食不甯賤豎而衣錦繡則手足無措與其  
竊據而致寇何若變通而求安也古來大亂之後容有小人竊  
位之時然不旋踵而敗甚且招敵侮而啟戎心可不戒哉

### 九四解而拇朋至斯孚

九四一陽出險而動險之所以解者震雷一聲羣陰散矣故卦  
必至四而後言解然孤陽不在尊位力不足以合天下解僅在  
於足之拇不足以解全體也故必朋至斯可以信於天下矣天  
下之難生於疑而解於信不信則不能解不合則不能信四之  
陽以陰爲朋乘三應初皆其朋也朋至則陰陽合情志通斯相



孚而解矣。震爲足。四居震初。故稱拇。坎有孚象。

六五君子維有解吉。有孚于小人。

天下之難不在事而在人。小人不退。則大難不解。君子不進。則小人不退。然亦有用君子而不解者。或操之太蹙。或處之失宜。則小人疑懼而難作矣。六五柔順得中。處之不過。故君子維有解而吉。蓋善醫者不過愈其疾而已。善治國者不過解其難而已。不求多於解之外。則措置必不乖方。好惡必不任情。此心可以大白於天下。小人自必折服。俯首而聽命矣。故有孚於小人。坎有孚象。陽爻君子。陰爻小人。五居君位。所以用君子小人者。故於此爻明解之道。或云君子指二四。佐五解難者。小人指初上。退而聽命者。或云小人指三。

上六公用射隼于高墉之上獲之无不利

離飛鳥爲隼。隼驚鳥也。互坎爲弓矢。陰爻爲土。居上則爲高墉。又互坎爲宮。宮之高處亦墉之象。公指五。隼指三。三不中不正。盜位害民。如隼害鳥。故射之三。居下卦之上。其勢高。故必居上六之地。其勢尤高。始能射而獲之。解卦之終。解之器已成。解之時已至。故一射卽獲。所謂矢不輕發。發則必中也。去一人而天下胥安。解一官而天下皆利。故无不利。先賢有曰。興一利不如除一害。害除則利在其中矣。

三三損

兌下  
艮上

損虧減也。山澤通氣。澤下山。山愈高。則澤愈深。故損又澤在山下。其氣上潤。減其澤。以益山上之草木。損乎下。以益乎上。亦損之象。上止而下說。說以奉上。損下益上之道也。損下益上。而名損者。下愈損。則上愈危。故名損也。卦畫三陽三陰。乾坤正象。下卦乾三陽過盛。第三爻之陽滿。變爲陰虛。而爲兌。上卦坤三陰極虛。第三爻之陰虛。變爲陽實。而爲艮。合觀全卦。乾卦損一爻。坤卦益一爻。所謂損下卦益上卦也。

損有孚。元吉。无咎。可貞。利有攸往。曷之用。二簋可用享。

九二剛中有孚。於陰陰陽相信。故有孚。兌有孚象。陽息至二。而五應之。故元初至五互臨。與臨之元同。損雖損下益上。而損其

過以就乎中。上止而下說。上下相信。損所當損。故諸侯損其財。以供天子。百姓損其財與力。以輸稅貢。而執公功。吉孰大焉。故雖有損而實无咎。夫富貴生驕奢。驕奢生貧賤。故君子務自減損。能使其量之虧。不使其量之溢。則內足以清心。外足以寡過。幽不爲鬼神所忌。明不爲眾人所怨。故損者德之門。福之基也。可貞僅可之辭也。與其奢也寧儉。雖非中道。猶可以正固守之也。君子之道。忠信得之。驕泰失之。孔子曰。以約失之者鮮。故利有攸往。互震有往象。下卦爲體。上卦爲用。下卦象損以奉人。上卦象損以奉神。故言亨。震爲木爲竹爲孟。合之成簋。大離亦簋之象。二簋指下二陽爻。艮爲宮廟。震爲主祭。互頤爲養。兌口向上。亨之象。享禮尙豐。然與其文有餘而誠不足。不若誠有餘而

文不足苟有明信則澗溪沼沚之毛可以薦鬼神享王公故二簋雖至薄亦可用享老子曰儉故能廣利有攸往之謂也又曰治人事天莫如嗇二簋用享之謂也

初九已事遄往无咎酌損之

損下益上初當損之地也初九震爻爲往已與以通初爲庶民田產頒於公室衣食出自君恩所可自効於上者獨以事耳故必遄往乃可无咎遄速也詩云雨我公田遂及我私此耕稼之事當遄往也庶民子來不日成之此力役之事當遄往也王于興師修我戈矛此軍旅之事當遄往也然民當勤以事上君當寬以養民民爲邦本取之盡則叛勞之極則怨故酌損之酌猶挹也以手挹取不可過也

周易卷一  
九二利貞征凶弗損益之

九二臣位與五正應兩中相合能以正道事上所以益上也故利貞若恃剛征進失人臣正靜之義則凶臣之益君以道不以物盡其道以益君非虧其道以益君也故弗損益之謂非有所損而益之也統觀損益二卦中爻皆不損可知損之道損過以就中偏則損中則不可損也

六三三人行則損一人一人行則得其友

六三以陰居陽陽變爲陰損之象三人者下卦三爻六三下就本卦則三人同行而二陽一陰二實一虛故損一人若舍去初二而一人獨行則與上九相應一陰一陽道之正也故得其友以一求一則爲兩兩則有唱和之歡以一求二則爲三三則有

爭奪之患。夫有陽卽有陰。有一卽有兩。兩者非他。以一配一也。故目兩而一視。足兩而一行。翼兩而一飛。兩其形所以一其用也。故一男一女。一陽一陰。所以生生於無窮也。

六四損其疾使遄有喜无咎

六四巽爻爲風躁。故疾不中。故損。然損者乃損其疾。而使之速有喜。疾愈爲有喜。是損中之益也。故无咎。是以利中有害。害中有利。得中有失。失中有得。或以富貴而貽殃。或以貧賤而免禍。損之中亦有喜焉。使之遄者。鳩毒不可一日居。須速去之也。

六五或益之十朋之龜弗克違元吉

六五得中。應陽居尊。虛受而承上九。上爲受益之爻。上益則益及五。故或益之。或者疑辭五本陰虛。不料其忽自上來也。我有

受益之資。自有益之者。不必定爲何人也。艮爲貝。貝寶貨也。兩貝爲朋。十朋者。價值十朋。十陰陽之合。數之極也。大離爲龜。六五得中承陽。虛心受益。天與人歸。卜筮協從。故寶龜不能違。而有元吉之占。所謂天之所興。孰能廢之。況於人乎。況於鬼神乎。乾元託位乎五。五以陰應陽。而有其元。坤凝乾元以爲元也。

上九弗損益之。无咎貞吉利有攸往得臣无家。

上九陽爻居上。又爲艮止。故不可損而益之。且損之終不可更損也。故雖失位。可以无咎。損道之成。守正則吉。故貞吉損之極。則受益。故利有攸往。老子所謂損之又損。以至於无爲。无爲而无不爲矣。臣謂三。三陰爻爲上正應。故得臣。上不在位而居乎外。故无家。家。指下卦。下卦雖來奉上。而非上九之所能有。故得



臣无家言能得民心而以爲國不以爲家也。一說上居受益之地。天下歸之得臣者。率土皆臣之謂无家者。天下爲家之謂。此人君之象。非上九所克當。若以堯舜之際言之。則堯得舜。舜得禹。爲天下得人。老而禪焉。傳於賢。不傳於子。所謂以一人治天下。不以天下奉一人也。與得臣无家之象合。

三三益

巽上 震下

益增加也。巽風在上，震雷在下，風烈雷迅，兩相助益，故益。天下之無形而能益有形者，惟風與雷。雷動於下，風散於上，萬物皆受益焉。又巽木，震木，兩相附益，木因風而長，木因雷而生，亦益之象。動而巽，所以受益也。卦畫三陽三陰，乾坤正象，上卦陽盛，則陰生於下，故九四變爲六，四下卦陰盛，則陽生於下，故初六變爲初九。陽變陰則虛爲損，陰變陽則實爲益。上卦損下卦益，損上益下之道也。損上益下，則厚其根基，而上下胥安，故名益。高以下爲基，國以民爲本，故損益皆就下卦言。

益利有攸往利涉大川

震爲往，巽亦爲往，動而巽可以集益，故利有攸往。天行不息，故

變化無窮。造物之生育日繁。至今而未已也。聖人之創作日新。至今而未艾也。人果能隨地隨時以求其益。莫不有益我之道。特患域於一隅。不往以求之。遂无所獲耳。故利於有所往也。蓋益者非求其有餘。不過充其不足。而天地之量無窮。學問之道無盡。愈推則愈遠。愈進則愈深。往无所窮。斯益无所終也。卦外實中虛。舟之象。入而動之。舟行之象。故利涉大川。木可爲舟。震巽皆木。有舟楫材。故宜涉大川。舟楫輔行之不逮。而濟不通。濟則人受其益。而濟者固未已也。故學問者。濟性量之不足。禮樂政刑者。濟斯世之不足。日新月異。其益亦未已也。此益之道也。初九利用爲大作。元吉无咎。

損上益下。初受益之地也。震動爲作。大作。大興作之事。謂耕稼。

也。震爲稼穡。互坤爲土。大離爲牛。播種於土以牛耕之。震又爲春。望杏瞻蒲之候。故利用以爲大作也。國以民爲本。民以食爲天。初爲民位。耕稼者益人之本。民之所當事也。天下大利必歸農。王者不必沛以殊恩。但當明農教穡。勿奪其時。使之盡力於畝畝。則百姓自受其益。百姓益則國家亦益矣。故元吉。帝出震而爲受益之主。故稱元。雖上承陰。可以无咎。

六二或益之十朋之龜弗克違。永貞吉。王用享于帝。吉。

六二中正有應。陰虛能受。而乘初九之陽。初受益。則二亦因之而益。故或益之。天與人歸。十朋之龜。有不能違。而獲永貞之吉矣。此爻與損六五同。損五當君道之尊。故元吉。益二當臣道之正。故永貞吉。王指九五用此爻以享於帝。則吉。良爲廟互坤爲

牛。互頤爲養。有享帝之象。享帝。天子之事。非六二所能自爲。故須王用之。喻如湯用伊尹而享天心。太戊用伊陟而格上帝。不惟受益於人。且受益於天矣。

六三益之用凶事。无咎。有孚中行。告公用圭。

六三不中不正。而當受益之地。故益之用凶事。互坤爲死。兌爻爲毀折。凶事之象。如喪葬飢荒兵革之類。此益中之損也。二本多凶。凶事乃六三之所固有。故无咎。陰有合於陽。故有孚。兌爻有孚象。巽亦有孚象。震爲行。居全卦之中。故中行。三外諸侯位。故稱公。巽爲申命。故告。坤爲土。故用圭。三處上下之間。雖不中正。而虛懷柔順。有孚於人。而以中行。誠信相通。可以受益於上矣。圭。玉瑞也。有喪葬則告訃於王。有飢荒則告災於王。有兵革

則告變於王。用圭以重其事而取其信也。一說王告於公也。

六四中行。告公從利用爲依遷國。

六四居全卦之中。故亦稱中行。巽爲申命。故告四。內諸侯位。故稱公。陰從陽。四承五。故告王以公之從也。坤爲國。四應在初。初震爲動。民動則遷。書所謂視民利用遷也。巽爲進退。亦遷國象。國必有鄰。遷必求其可依。周之東遷。晉鄭焉依。是也。四既從五。故利用爲依。四以遷國也。一說告公從者。王來告公也。

九五有孚。惠心勿問。元吉。有孚。惠我德。

九五陽居尊位。志在益下。君德之大者。陽合乎陰。君信乎民。故有孚。巽有孚。象養欲給求。咸順其心。故惠心。惠順也。勿問者。不待問也。巽爲問。在巽口上。勿問之象。君與民相信以天。問而後

信其信淺矣。問而後施其德薄矣。仁君恤民如保赤子。心心相印。不必問之於民。故元吉。乾元託位於五。剛健中正。有乾之道。故稱元。互坤爲順。故惠有孚。惠我德者。上信於民。民亦信於上。上順民心。民亦順上之德。所謂有嘉德而无違心也。我五自謂。洪範曰。汝則從。龜筮從。卿士從。庶民從。是之謂大同。身其康彊。子孫其逢吉。利用爲大作。庶民從也。十朋之龜。弗克違。龜筮從也。告公用圭。告公從。卿士從也。至於九五。則无不從矣。其吉尙待問哉。

上九莫益之。或擊之。立心勿恆凶。

損上益下。益之窮。則不益而損矣。剛亢之極。无可再益。故莫益之。或擊之。震雷爲擊。艮手亦爲擊。太高則墜。過滿則傾。疑若有

擊之者。故稱或也。風雷有恆象。居卦之極而將變。故勿恆。巽爲不果。亦勿恆象。立心勿恆。所以爲凶。上非心位。故稱立心。風雷至於天上。不能下行。以成生物之功。其能有益乎。損終則益。益終則損。所謂禍福迭相倚伏也。然其本則在乎心。禍至則心恐懼。故禍易爲福。福至則心驕縱。故福易爲禍。心專一則吉。紛亂則凶。莫謂禍福之无常也。



三三夫

乾下  
兌上

夫古決字潰也。猶去也。天至高。澤至卑。以至卑之澤而上於至高之天。聚而不流。勢必潰決。故夫兌爲附決。承以乾健。健以決之。亦夫之象。健而說。夫之道也。卦畫五陽在下。長而將極。一陰在上。消而將盡。眾陽上進。決去一陰。所以爲夫也。且一陰不在位。而居五陽之上。勢有不夫者乎。

夫揚于王庭。孚號有厲。告自邑。不利卽戎。利有攸往。

王指九五。乾有廷象。上六一陰乘五陽之上。故揚於王庭。凡小人之難去者。以其陰藏不可見也。揚於王庭。則人共見之。決之不難矣。兌有孚象。兌口又爲號。上六陰消將亡。反託於九五之陽。而陽長極盛。勢必決去。雖下孚於陽。號呼求救。然決勢已成。

不能不危厲也。故孚號有厲。邑指下卦兌口爲告。下卦羣陽咸欲從五以決陰。故來告。蓋陽之長自下而上。陽之決陰亦自下而上。陰陽相戰。有卽戎象。萬物戰乎乾。乾亦有卽戎象。決之道貴乎和平。當用兌之說。不可專恃乾之剛。孔子曰。人而不仁。疾之已甚。亂也。況一陰上乘九五。猶小人附近於君。社鼠城狐。不無顧忌。若動干戈。以清君側。則爲禍烈矣。故不利。卽戎是惟援引善類。培養元氣。則不在位之一陰自去。故不必急於陰之退。而利於陽之進。陽進則陰自消。故利有攸往。乾健有往象。陽主進。進則純陽。故利往也。

初九壯于前趾。往不勝爲咎。

初象趾。初九震爻亦爲趾。又爲往。陽剛稱壯。夫本大壯息卦。故

辭與大壯同。釋陽初生而在下。趾之象。初與上對。上爲後。初爲前。陰爲後。陽爲前。故稱前趾。趾不足以行也。潛陽不可以用也。若不知養其微陽。待時而動。而恃壯前往。以最下方生之陽。決在上。已老之陰。勢則不及。力則不足。必不能勝。所以爲咎。

九二惕號。莫夜有戎。勿恤。

乾爲惕。承上之兌。爲號。惕號所以戒備也。九二坎爻。故有戎。夫亦有戎象。坎爲恤。上應兌說。故勿恤。坎又爲月。月生於夜。故稱暮夜。乾天掩於兌澤之下。天暗不明。亦暮夜之象。一得中則不過乎剛。居陰則不恃其壯。位雖遠於上。而豫防其侵。時未至於夫。而豫憂其潰。故惕懼警呼。以防意外之變。有戎者。未卽戎而慮其有戎也。書曰。有備無患。先事而戒懼。臨事反得以從容。雖

有戎可以勿恤。孫子曰：無恃其不來，恃吾有以待之；無恃其不攻，恃吾有所不可攻。此二之所以無憂也。二在下位，距陰尚遠，故不決人而防人也。

九三壯于頄，有凶。君子夬夬獨行遇雨，若濡，有愠，无咎。

頄，顙也。在面上而見於外。三以陽剛居乾卦之上，剛壯外見，故壯於頄。過剛不中，恃壯而往，悻然見於面目，以此而去小人，必有決裂激變之禍，故有凶。三爲人位而有乾德，君子之象，兩卦之間，故稱夬夬。又應上則有夬之勢，居剛則有夬之才，故夬而又夬。乾爲行，澤在天上爲雨，眾方決上，三獨與應，故獨行遇雨。陰陽和則雨，夬夬而遇雨，所謂決而和也。和則可以決矣。遇者不期而遇，非有心趨附之也。兌陰不足，故僅若濡，濡，溼也。二本

非上所能汙。而迹在疑似。若爲所汙。故有愠。愠恨也。然君子之決小人。貴於和說。雖應之實以決之。故无咎。君子之去小人。常以過剛過急。致生後患。而善於除邪者。往往與之周旋酬酢。結其歡心。而釋其猜嫌。其形似之間。有時爲同儕所不悅。要其心本無他。事亦終无害也。

九四臀无膚。其行次且。牽羊悔亡。聞言不信。

九四上卦之下。稱臀。臀宜有膚也。兌爲毀折。故无膚。乾爲行。而掩於兌。故次且。次且。欲行不進之貌。四以陽居陰。不中不正。又不與陰相值。不任決之之事。迫於眾陽。不能自決。故居則不安。而行則不前。然在羣陽之中。人進則亦牽聯而進。故悔亡。兌爲羊。牽挽也。四居兌下。象羊之在後者。故須牽之進也。上六居兌

之口而又最高故有言而四聞之四本陰位故上與之言而求其救然四不與上應故雖聞而不信

九五莧陸夬夬中行无咎

乾爲木果九五坎爻爲堅多心木兌爲澤草生近澤故稱莧陸莧陸草名葉柔根堅象小人之難去也傳曰莧草猶不可圖書曰除惡務盡唐人詠草詩曰野火燒不盡春風吹又生蓋非去之難去而不使復生爲難也上之陰託根於五又本說體似難決去故須夬而又夬夬眾方決陰五獨說而承之昵比小人本宜有咎然剛得中道由中而行不過乎剛終能用其剛不至爲小人所累故无咎乾爲行莧陸以三月生夬三月卦也

上六无號終有凶

上六居夫之終故稱終澤聚至終有不潰乎以一陰居五陽上五陽進而相迫自知將亡欲號呼以求救乃下無同類五陽咸欲決之故无所號呼而終有凶也

三三三 姤 巽下  
乾上

姤遇也。天下有風。適然相值。不期而遇也。又風行無所不入。普天之下。皆可遇之。亦姤之象。健而入。姤之意也。卦畫一陰而承五陽。五陽行於上。一陰生於下。甫出而與五陽相遇。故姤。

姤女壯勿用取女

女壯者。陰盛也。一陰而承五陽。其壯可知。又一陰在下而進。五陽在上而退。進則勢盛。終必消陽。故云壯也。卦以少者為主。一陰在下。爲五陽主。亦壯也。陽當強。陰當弱。女而壯。非家庭之福。故勿用取女。且陰道從一。以一陰而承五陽。非女之道。不期而遇。婚姻之禮不成。亦非取女之道。故不可用以取女也。女壯主陰言。勿用取女。仍主陽言。易固以陽爲主也。



周易卷之九  
初六繫于金柅貞吉有攸往見凶羸豕孚蹢躅

柅絡絲之跗巽爲繩爲木柅之象金柅謂二二陽爻得中故稱  
金乾亦爲金巽繩又爲繫初上承二陰繫於陽故繫於金柅陰  
以從陽爲正初六之陰承九二之陽巽入而得正道故貞吉陰  
道在內主於靜守既係於二不宜有往若有攸往則必見凶陰  
恃壯而躁動未有不凶者也巽風有往象巽又爲豕豕陰躁之  
物前遇五剛故羸羸困也巽有孚象上合於陽故孚巽爲進退  
故蹢躅陰柔之才不敢必進浮躁之性又不靜守故蹢躅不自  
安也蹢躅跳梁也

九二包有魚无咎不利賓

九二之陽下乘初六之陰故包有魚魚陰類指初陰陽相接故

二得據而有之。義當自享。不宜供於外來之賓。故无咎而不利賓。陰之道從一而終。一妻不可使之事二夫。一民不可使之事二君。惟不利賓則已。可以實享其美。賓可以無非分之求。而一陰之性亦安矣。夫雉兔在野。眾皆逐之。分未定也。雞豕滿市。莫有志者。分定故也。分定則志定。故初爲二有而不利於賓也。賓謂四。四爲賓則知二爲主。所謂物各有主也。包一作庖。

九三臀无膚其行次且厲无大咎

九三下體之上。故稱臀。巽體下斷。故无膚。乾爲行。巽爲進退。故次且。三欲遇初。其位不與相值。既无所得。又不能舍。故居不安而行不前。然三與初原非其應。無所謂得。亦無所謂失。故雖厲而无大咎。

九四包无魚起凶

九四不中不正。本與初應而初已比於二。非四所有。故包无魚。夫既曰包而又曰无魚。非本無魚失其魚也。初本應四而四不得中。四自失之。陰陽相遇而不相得。上下相交而不相合。此禍亂之所由起。故起凶。

九五以杞包瓜含章有隕自天

巽柔木爲瓜。瓜指初。姤五月卦。五月瓜生也。乾木果。九二坎爻堅木爲杞。杞謂二。二包初。故杞包瓜。以之者五也。故以杞包瓜。章文也。陰陽雜而爲章。以陽包陰。則華不外露。故含章。含之久則必發。故隕。隕。落也。瓜熟則自落也。落雖在地。實落自天。故有隕自天。乾爲天。五爲天位。故稱天。陽行於上。則陰生於下。故瓜

之隕隕自天也。初陰之生，生於陽也。九五中正居尊，以至美之陽，包至微之陰，本以含之，適以成之。陽行則陰不能不生，固天命之自然而無可如何者也。

上九姤其角吝无咎

剛而最上角之象。在乾首上亦角之象。乾爲龍，上龍之角也。處姤之終，距陰尤遠，故不遇其身而遇其角。吝道也。然上本不在位，距初遠，不與之遇，亦无咎也。三與上皆不應初，而三猶與初同體，故僅无大咎。上則直言无咎，蓋近而不相得，則凶遠而不相得，固无害也。故子臣弟友，情不可以一日疏，彼塗人何嫌於疏哉。

三三萃

坤下  
兌上

萃聚也。兌爲澤。澤水之聚也。坤爲地。爲眾。土之聚也。澤上於地。止而不散。萃之象。兌悅坤順。上悅而下順之。所以能萃也。卦畫二陽並在尊位。九五賢君。又得九四之賢臣。同心同德。聚於一廷。所以民莫不順。或來相聚也。

萃亨。王假有廟。利見大人。亨利貞。用大牲吉。利有攸往。

聚而相合。陰陽相交。故亨。貨聚於市。而百工之用通。人聚於國。而彼此之志通。故萃則亨也。王指九五。假至也。大坎爲飲食。鬼神互艮爲門闕。互巽爲木。又爲高闕。有木而高者。宗廟之象。自初至五。互觀亦祭廟之象。民之所聚。建邦設都。宗廟爲先。宮室次之。宗廟者。率先報本。天下之人心繫焉。王者合天下之歡心。

以致孝享。四海之內各以其職來祭。和之極順之至矣。大人亦  
指九五。亨見者亨也。剛柔互濟。二五正應。故利貞。卦有二陽。羣  
陰所屬。而五君四臣。德同位異。從君則正。從臣則私。疑似之間。  
不可不辨。故利見九五之大人。所以嘉會和義幹事也。坤爲牛。  
大牲牛也。艮爲手。故用大牲。用大牲者。祭祀之重典也。當萃聚  
隆盛之時。得天下之大。而不以自有。致天下之財。而不以自奉。  
備物致敬。與萬方黎庶其敦反本復始之思。此王者所以聚天  
下也。故吉。巽有往象。五有命而咸順之。故利有攸往。人情和順。  
可以往矣。又物不可以徒聚。水聚則當流通。人聚則當動作。萃  
不可无所往也。

初六有孚不終乃亂乃萃。若號一握爲笑。勿恤往无咎。

大坎兌巽皆有孚象。初六巽爻亦有孚象。當萃之始。陰居下位。順以事上。有孚於陽。而五非其應。四又不中。蓋初應在四。有孚乎於四也。四近逼五。而初疑之。故有孚不終。孚不終。故乃亂。亂散也。散則求聚。故乃萃。萃聚也。忽聚忽散。若離若合。迷惑之象也。巽爲不果。爲進退。故有不終與亂萃之象。夫初與四爲正應。徒以四得位專權。疑其有收拾人心。罔上營私之意。故以從四爲憂。而不敢往。不知四體兌說。又本巽柔。以承陽剛之主。是賢臣非亂臣也。下得民心。以奉乎上。本無強私家弱公室之謀。若其號呼相告。暢所欲言。握手之間。一笑契合矣。故若號一握爲笑。兌口爲號。巽亦爲號。艮手爲握。兌又爲笑。如此可以勿恤而往。无咎矣。大坎爲恤。

六二引吉无咎孚乃利用禴

巽爲繩艮爲手故引六二柔順中正貞靜自守必待九五之引  
汲而後萃焉君子之道恥於自媒而上有枋臣尤恐以躁進生  
爭寵之嫌若非時君之特簡則管仲不能與高國聯班賈生不  
能與絳灌爲伍矣惟二與五兩中相合陰陽正應故五能引之  
君臣和合故吉而无咎陰陽合則孚巽坎皆有孚象二處以中  
正行以忠信德通乎鬼神乃可以至薄之禮伸至敬之忱故孚  
乃利用禴禴祭之薄者艮爲廟坎爲飲食爲鬼神兌爲巫用禴  
之象二陰虛在下祭不能豐故禴蓋下之奉上以誠不以文傳  
曰苟有明信澗溪沼沚之毛蘋蘩蕰藻之菜可薦於鬼神此之  
謂也



六三萃如嗟如无攸利往无咎小吝

六三合下二陰以萃於上故萃如欲聚乎五而五不與應故嗟如自无攸利矣兌口巽號皆嗟象坎爲憂亦有嗟象然太陽雖不回光而葵藿必爲之傾心者誠也聖主雖不垂恩而臣庶必爲之盡力者分也三雖无利亦必往盡其職因四以奉五順而從陽巽以事上故往无咎若小吝固所不免

九四大吉无咎

九四下接三陰上比九五得其萃矣故大吉雖不中正可以无咎九四大吉而言无咎者上逼君位下得民心權重位高嫌疑之際若非君臣同德順而能說鮮不及於禍矣无咎者幸之也傳言位不當者戒之也

九五萃有位无咎匪孚元永貞悔亡

九五萃之主爻故言萃得位居尊故言有位明此爲尊位萃天下者在乎此爻所以別嫌疑定人心也六爻皆言无咎者二君吉二君凶四五兩陽並列高位朝廷之上易啓猜嫌下位之人每生觀望皆有得咎之道而上說下順志合道同可以无咎也五爲萃主欲下合於三陰而隔於九四不若九四之近於下下之信五不若信四故匪孚然九五剛中得乾之元而下有坤順故元永貞雖匪孚而悔可亡也萃與比相似故爻辭與比象辭之元永貞同但因九四一爻權遂分而勢遂隔不如比以一陽爲主之吉故僅无咎悔亡而已

上六齎咨涕洟无咎

上六陰居陽上。踴躍不安。眾方來萃。己獨无應而居上位。故齎咨涕洟。齎咨。兌口聲。涕洟。兌口澤。危懼如是。可以无咎。比上六凶。而此无咎者。坎爲險。兌爲說也。又坎爲流水。至上則有叛去之象。兌爲止水。上雖不安。固未嘗去之也。且比一陽爲主。有率土皆臣之象。豈容一人自外王化。萃以二陽萃四陰。同類相聚之象。位隔勢殊。不得所託。亦无大咎也。

三三升巽下坤上

升進而上也。坤地在木之上，其高可知；巽木在地之下，其長可俟。木者上升之物，木在土中，得土之氣，日長而高，升之象也。又巽爲風，風起地下，亦升之象。入而順之，升之道也。卦畫三陰乘二陽以升，二陽乘一陰以升，有繼長增高歷階以升之意。

升元亨用見大人勿恤南征吉

升，生氣之始，故元。元出震息兌，故臨有乾之元。升互臨，故亦稱元。陰陽交通，故亨。大人指九二剛中得應，無君位而有君德，當升進之時，故用見之。雖在下位，可以勿恤。大坎爲恤，互兌爲說，坤爲順，故勿恤。坤西南卦，巽東南卦，卦德在南，故南征吉。南於時爲夏，夏大也。木至夏則茂大矣。南方向日爲陽，所謂向陽花。

木易爲春也。升之道利於進。木之生欲其長。故南征則吉。

初六允升大吉

九重之臺。起於累土。合抱之木。生於拱末。初六升之始。木之根也。木以根爲主。根長則條幹皆長。初升則上之二陽俱升。而初又居地位之下。受澤之潤。資土之氣體。巽柔而承陽光。故能與上相信。合志偕升而大吉也。允信也。合也。

九二孚乃利用禴无咎

九二陽得中而居下卦。能孚於陰。故孚。坎巽兌皆有孚象。誠信之至。可通神明。故孚乃利用禴。祭雖薄而神享之矣。雖不正。可以无咎。坎爲飲食。爲鬼神。兌爲巫爲口。禴之象。詞與萃六二同。皆在下位而得中有應也。

九三升虛邑

九三艮爻艮山爲墟。坤爲邑。下卦亦爲邑。六三在下卦上。故升虛邑。三爲人位。出地道之上。承坤土之厚。又互震爲動。一往无阻。有升高望遠之象。虛卽墟字。或謂虛邑爲無人之邑。

六四王用亨于岐山吉无咎

六四升至上卦。坤土居高山之象。岐山在西方。互兌爲西。故稱岐山。一說岐山在西南。坤西南卦也。坎爲鬼神飲食。兌爲口。享之象。王指五。四雖不中。然以陰居陰。體坤互兌。和順之至。使之主事而事治。使之主祭而神享。故王用以享於岐山。吉而无咎。岐山。文王境內之山。文王得以享之。然承殷之命。文王始得爲諸侯。是享於岐山者。紂用之也。文王見譏被拘。恭順之忱。幾難

自白。因於此爻發之。以明恭順事紂之心。王若用之。王之福也。厥後賜鐵鉞爲方伯。三分有二。以服事殷。紂雖昏虐。猶得延數年之祚者。文王之力也。使紂能專任文王。不用以治一方。而用以治天下。殷亦何至亡哉。

六五貞吉升階

六五柔順得中。升居尊位。故正固而吉。坤爲土。而位高階之象。坤爲地道。五爲天位。自地而升於天。猶自下而升於上。故升階。夫升至於階。是陰道之尊也。升而僅在於階。是陰道之順也。蓋升階則自階以上。宮室廟堂。无不可見。可以奉君。可以事天。自階以下。无不可接。可以臨民。可以進賢。所以大得志也。

上六冥升。利于不息之貞。

坤性暗昧。坤之極而升居上。故冥升。冥。迷也。升而冥。則不知所  
以升。不升則恐其降矣。夫學不可一日不進。不進則退。木不可  
一日不長。不長則枯。故利於不息之貞。息止也。休也。泉源不竭  
則水自進。生氣日益則木自長。不必問升之何若。但能不息則  
自升矣。故升以不息爲本。於上爻發之。貞者坤之德。不息者乾  
之道。坤本效乾。坤之極則乾道見矣。



三三困

坎下  
兌上

困窮也。坎一陽陷於二陰，有困象。兌一陰掩二陽，亦有困象。坎在兌下，是一陽既陷於陰，而外又受兌陰之掩蔽，所以困也。又兌爲止水，下有坎以流之，則必枯涸。坎爲流水，上有兌以聚之，則必壅塞。皆困之象。水下漏則澤上枯，故大象言澤无水也。又坎爲月，互離爲日，兌之陰暗下掩日月之明，日月至西則沈而不顯，亦困之象。在險而能說，處困之道也。困字，木在口中，互巽爲木，上有兌缺，下有坎陷，則木困於中，故爻多取象於草木。

困亨貞大人吉无咎有言不信

陽來通陰，故亨。坎維心亨，困下卦坎，故困而亨也。學以困而進，才以困而成，境以困而通道，以困而大，故西銘曰：貧賤憂患，玉

汝於成。孟子曰：天將降大任於是人也，必先苦心志，勞筋骨，餓體膚，空乏其身，行拂亂其所爲，以增益其所不能。此困之所以亨也。剛得中而五得正，能固守其窮，故貞富貴不能淫，貧賤不能移，威武不能屈。此困之所以貞也。大人謂二五陽剛得中爲處困之大人，守其中正，說而不陷，故吉。如此可以處困而无咎。小人窮斯濫，君子貧而樂，非陽剛中正之大人，不能處困也。是以烈火銷萬物，而精金以鍊而益精，嚴霜殺百草，而松柏以寒而愈勁。困也者，小人視之爲凶，大人當之爲吉矣。兌口爲言，兌口在上而无應，故不信。處困之時，欲以言語解免難矣哉。老子曰：多言數窮，不如守中，是之謂也。

初六：臀困于株林，入于幽谷，三歲不覿。

夫姤以三四爲臀。此以初爲臀。蓋人行則臀在中。坐則臀在下。困而不能起。故初有臀象。坎爲堅木。上受兌金之傷。又值九月之候。故枝葉脫落。而僅見爲株。株木幹也。初六陰柔。而值坎險。故臀困於株木。初六巽爻爲入。兌爲谷。坎水下流。初在地道之下。故入於幽谷。坎爲隱伏。初又陰爻。幽谷之象。夫株木不可困而困之。幽谷不可入而入之。初之困。初自取之也。三歲三爻互離。目爲覲。覲相見也。初雖與四爲應。而幽隱之處。掩蔽之極。至於三歲之久。不得相見。所以困也。困九月卦。九月霜降殺草。故三陰爻皆象草木。上卦兌爲秋。下卦坎爲冬。上六在秋。蔓草未殺。故爲葛藟。六三在秋冬之間。葉去子存。故爲蒺藜。初六在冬。草死木在。故爲株木。

月 易 注 卷一  
九二困于酒食朱紱方來利用享祀征凶无咎

二在坎中故困兌羊坎豕互巽雞互離雉皆食坎爲酒大坎亦酒故困於酒食九二剛中之德羣陰所奉故有飲食之樂然君子憂道不憂貧道旣不通則醉飽壓飫徒增苦惱耳紱蔽膝也朱紱命服也離坎之色雜爲朱離革爲紱離爲文明朱紱之象詩曰朱紱在股巽爲股二在股下故朱紱方來二處困中豈願受服而位爲大夫命服方來不能卻也夫富貴之困人甚於貧賤旣困之以飲食又將困之以衣服二不將重困乎然二有中正之德窮於人不窮於天故利用享祀俟命於天可也若以之征進則凶而二之道固可无咎坎爲飲食爲鬼神兌爲巫有享祀象

九三困于石據于蒺藜入于其宮不見其妻凶

九四剛爻阻坎水之行。石之象。三進遇之。故困於石。坎爲蒺藜。三乘之。故據於蒺藜。互巽爲入。坎爲宮。困不能進。故返而入於其宮。坎男爲夫。兌女爲妻。而三反爲陰。四反爲陽。又皆失正。不相見也。一說三應六。兩陰不應。故不見其妻。離目爲見。妻在宮外。故不見。水性下趨。而妻在上。亦不見之象。六三不中不正。居險陷之極。入兌澤之下。進无可進。退无可退。困而將死。凶之甚也。互大過。亦有死象。

九四來徐徐困于金車吝有終

九四應初。處困之時。有應則必相求。故來來欲就下也。然疲困不能卽至。故來徐徐。巽爲進退。徐徐之象。大坎爲車。兌爲金。陽

爻亦稱金。金車貴者所乘。身貴而道不通。故困於金車。雖極顯榮。道不能行。四之所以困也。幸陰陽相應。雖不能行道於上。猶得民心於下。故雖吝而有終。卦中三陽三陰。陰象小人。小人之困在身。故曰株木。曰石。曰葛藟。陽象君子。君子之困在道。故曰飲食。曰金車。曰赤紱。此皆小人以爲榮者。正君子之所謂困也。九五剝削困于赤紱。乃徐有說。利用祭祀。

坎爲刑。兌爲毀折。九五困之主。上則傷鼻。下則傷足。故剝削。上下皆不得行其志也。剝削鼻刑。則割足刑。剝削或作倪伉。卽髡。應在上不安之象。赤紱較朱紱尤美。然雖處尊位而有赤紱。適以爲困。故困於赤紱。此蓋身榮道屈。不勝束縛之苦。賴有中正之德。乃徐徐然解釋其縛。而不爲所困。故乃徐有說。乃難辭也。

不知幾經挫折。始可以脫之也。說脫也。徐不卽說也。五與二同。有剛中之德。一利用享祀。五利用祭祀。二於朱紱未來而享祀。冀紓其困也。五於赤紱之將說而祭祀。冀解其困也。凡人窮則反本。極則呼天。處困之時。無可致力。惟有誠信積中。冀神明之鑒祐而已。孔子曰。知我者其天乎。韓昌黎曰。惟乖於時。乃與天通。不求人知而求天知。大人處困之道也。

上六困于葛藟。于臲臲。曰動悔。有悔。征吉。

互巽柔木。爲葛藟。上性陰柔。私慾纏繞。不能擺脫。故困於葛藟。陰居陽上。踟躕不安。故於臲臲。下乘互巽。爲進退臲臲之象。困於葛藟者。欲行不能行。其心不安也。困於臲臲者。欲居不能居。其身不安也。不安則動。其悔心。故曰動悔。曰詞也。知悔則不一。

悔故有悔有又也。或讀作本字。向者處在困中。固不知悔。今則處困之終。悔而又悔。自怨自艾。痛切糾虔。自此可以出於困矣。故征則吉。蓋困極則通。天下无終困之理。而其幾則在於悔也。



三三井

巽下坎上

井穴地出水之名。上坎下巽。坎陷之下而可入。穿井之象。巽入乎其下。則坎水出乎其上。汲井之象。坎井之體。巽井之用。卦畫三陽。井之體。三陰。井之用。所謂有之以爲利。無之以爲用也。初陰象井底。上陰象井口。中三陽象井之牆壁。六四一陰象其中虛。又巽爲木。以木入水。水出木上。亦其象也。

井改邑不改井。无喪无得。往來井井。汔至亦未繙井。羸其瓶凶。巽爲進退。有改象。坎剛得中。有不改象。故改邑不改井。先王之制。因井爲邑。改邑以就井者。有之。不能改井以就邑也。蓋政事有所損益。可以隨時而改。而政中之意。所謂建中於民者。百世不改也。井汲之而不涸。故无喪。注之而不盈。故无得。凡物有得

有喪者則不可久。井無得喪。所以久而不改也。木下汲則水上升。升降往來。循環不已。故往來井井。生於下者井也。出於上者亦井也。故言井井。巽爲進退往來之象。井以上出濟物爲功。而所以出者汲之力也。故道不自行。待人而行。水不自出。因物以出。巽繩爲繻。離爲瓶。瓶汲水之器。繻繫瓶之繩。垂於井以汲之。夫爲學期於有成。爲政期於下逮。汲水則期於上出。若汔至矣。未盡出其繻於井中。而羸其瓶。則水終不能出而爲用。所謂功敗垂成。自喪其取之之物。終無成之之日矣。故凶。汔。幾也。羸。敝也。兌爲毀折。故羸巽爲不果。故有汔至而羸之象。夫井无得喪。有得有喪者人也。性無成虧。有成有虧者習也。瓶本以汲水。一間不至則遂喪矣。學所以復性。一簣未成則遂虧矣。然則學問

之道可不竟其力乎。一說穢卽齋字。齋出也。

初六井泥不食舊井无禽

初六居井之底不能上出。又在地道之下。水土溷雜。陰氣沈滯。泥之象。井泥穢濁。食則致疾。故不食。兌口爲食。初在口下。不食之象。井不食則廢棄。故爲舊井。不惟人舍之。禽亦去之矣。禽鳥獸之總名。巽兌坎離皆有鳥獸象。應爻陰虛无禽之象。夫井不汲則穢政不勤則亂。學不殖則荒蕩之盤銘曰。苟日新。日日新。又日新。新對乎舊之謂也。然則人無爲舊井焉可也。

九二井谷射鮒甕敝漏

互兌爲谷。巽亦爲谷。二居地道而在坎下。谷之象。鮒魚名。巽爲魚。坎爲弓矢。故射鮒。二之谷已非泥。然猶在井內。不能上出而

致用上又无應。无人汲引。其中有鮒。雖能射不能出也。甕汲水器。離爲甕。兌爲毀折。故甕敝而水下漏。陽下有陰。亦漏之象。有甕而漏。則汲與不汲同。此猶人君用賢。見而不能舉。舉而不能先也。

九三井渫不食爲我心惻。可用汲。王明並受其福。

渫。除也。治也。除去穢濁。令清潔也。三有剛德而居下卦之上。已遠於泥。故井渫。然猶在下體。欲出未出。故雖清潔而不見食。兌口爲食。猶在口中。故不食。我三自謂也。三以剛正自守。雖無所遇。我固處之泰然而行道之人。莫不感慨太息。爲我心惻。三入位。陽爻居中爲心。惻。痛也。夫有其才必有其用。又幾幾欲出下卦而就上卦。可以汲矣。如有明王。必能見用。用則利被天下。上

下徧受其福。故曰王明並受其福。王指五。天下皆屬望於賢人。賢人又實有以濟天下。特世无湯文。則伊尹太公。不過耕夫釣叟耳。天地之生才不易。无所遇則又徒生。可不惜哉。

### 六四井甃无咎

六四當上卦之下。陰柔不中。不能利物。故但修治其井。坤爲土。離火燒之。爲甃。甃井壁也。四耦爻而居井中。甃之象。上下陽實。亦甃之象。井有壁則不壞。五得四則相輔以成功。且甃以禦泥而護泉。九五之冽。井道之成。莫謂六四之不與也。何咎之有乎。

### 九五井冽寒泉食

坎水得中而又在上。故冽。冽。潔也。凡水濁者下沉。清者上滯也。又泉爲地脈。猶人身之血。血淤則敗。惡水塞則渾濁。坎爲流水。

是常用之井。故潔也。坎北方爲寒。寒水之本性也。凡冷泉必美。不惟救飢渴。且消熱惱也。泉有本之水也。下互兌澤。故稱泉有泉。則不竭。不竭則足以養天下。兌爲口。在兌口上。故食井水至五。可以見食足濟羣生。不言飲而言食者。飲食烹調。無不資於水。言食則飲在其中。言飲不足盡水之用也。

上六井收勿幕有孚元吉

收謂以鹿盧收繙也。水已上出。繙可收矣。此井德之成也。幕以布覆井也。以陰掩陽。以上掩下。幕之象。上六陰虛。故勿幕。蓋井德已成。而幕以覆之。據爲己有。則成己不能成物。不足爲成也。勿幕者。取而不蔽。不私其利於己。而施其澤於萬物。所謂成己仁也。成物智也。舉時措之宜也。合內外之道也。坎本有孚德。井

至於上而德始見。取之无窮。用之不爽。故有孚。乾元託體於五。然水至上而後能出。水出而後足以濟物。五之濟物者。上能出之之力也。故上爲濟物之始。與五相信。不掩其功。能用之以利天下。故元吉。

三三革

離下兌上

革變也。坎爲流水，在火之上，各有流動之勢，故成既濟。澤爲止水，在火之上，聚而不行，必滅火而後已。火在止水之下，必涸盡水而後已。革之象也。又兌爲金，離爲火，金在火上而受其剋，故革。兌爲毀折，金曰從革，亦有革象。離爲火，火化也。萬物經火而化，亦有革象。內明而外說，處革之道也。象與睽互易，火上行，澤下潤，以相違而成睽。澤在上，火在下，以相尅而爲革。離爲中女，兌爲少女，二女同居而志不相得，故革。睽以不同行爲違去之象，革以不相得爲不合之象也。象傳不曰行者，兌澤聚於外，離火麗於內，无行之象。

革已日乃孚元亨利貞悔亡



革則不相合。不合之中自有相合者在。蓋中少二女同受形於母。兌離二卦同秉氣於坤。離中爻坤之中爻也。兌上爻坤之上爻也。使之相合全在乎坤。故己日乃孚。己陰土。坤之正位也。離爲日。坤前爲兌。後爲離。坤在其中。故能信之。孚信也。坤土主信。又土生金。火生土。金火相尅。惟土能合之。六二離之中爻得土之正氣。雖革乎兌而見信於兌。故乃孚也。夏秋相革。中有庚伏土王之時。所以成歲功。金火相革。中有埏埴相蔽之器。所以成陶冶。王者革命。中有中正誠信之德。所以合天人。火得土則不燥。金得土則不衰。故金火相資而效用於天地之間。革命之際。用德而不用威。好生而不好殺。革所當革。彰信兆民。故咸信其有弔民伐罪之心。而无利天下之志。耕者不變。歸市者不止。孚

之象也。故金頑不革則無用。世亂不革則不治。革者非毀之實以成之也。非殺之實以生之也。又己日在十日之中。承前五日之已過。居後五日之首。五日一候。過則必變。天道不爽。故己日乃孚。五德之運。成功者退。當革而革。合乎天也。五剛中有應而體乾元。故元陰陽通。故亨。剛柔和。二五正。故利貞。當革之時而有四德。悔可亡矣。又革故以更新。故元革而後通。故亨。革者所以宜之。故利。革之以歸於正。故貞。如此則悔乃亡。

初九鞶用黃牛之革

毛去皮爲革。革本訓爲皮革之革。借用爲更革之革。故初爻仍取象於皮革。離爲黃牛。鞶固也。初非當革之時。下非能革之位。不可有爲。但當固守。順以待之。故鞶用黃牛之革。喻其柔順而

堅固也。然有其質，始可施變化之功；有其材，始可盡鍛鍊之用。初雖不可以有爲，而革之本在是矣。

六二：己日乃革之，征吉，无咎。

離爲日。離中爻卽坤中爻，坤爲己。己土主信，萬物所歸。六二體坤之德，得中得正而有正應，天與人歸，可以革矣。故己日乃革之，以此征進則吉而无咎。乃難詞不至於己，不敢革也。以喻誠信未通，時候不至，不可革也。革之道在乎火，革之本由於內。六二爲革之主爻，上卦皆受革於此，故稱革之。

九三：征凶，貞厲，革言三就，有孚。

九三過剛不中，又居離火之極，猛烈之性，不可以遏。且上承兌澤，進則必至相滅，故征凶。若固守而不知變通，則貞而危厲矣。

三不中故不可革。二得中故可革。三不任革之之事。而當革之時。須商度擬議。連合三陽。以就於二。則陰陽自有相孚之道。故革言三就有孚。互乾爲言。兌口亦有言象。坎兌巽皆有孚象。三三陽爻。或指內卦三爻。或謂三就者。合下三爻以就五也。自來草澤英雄。妄思革命。不度德量力。聽命於賢人。皆不旋踵而就夷滅。故王商歸命於漢高。竇融委身於光武。以視項羽。隗囂等。何如哉。或謂三當將革之際。以革爲言者。三次來就。上下相孚。始可革矣。

九四悔亡有孚改命吉

九四雖不當位。而近承君令。以致於下。革所當革。故悔亡。坎兌巽皆有孚象。出內卦而至外卦。故改巽爲命。中有實德。能信於

下。奉新君之命而改舊命。以我明德。易彼昏政。上說下順。故吉。此猶火德已終。秋金當令。百寶成而厥民夷也。

九五大人虎變。未占有孚。

九五剛中居尊。革而在位。故稱大人。互乾爲虎。下乘互巽。有風從虎之象。虎變者。希革而毛毳也。虎本有文彩。至兌秋之際。毛落更生。其文煥然一新。猶焚餘之山色。尤佳。雨後之天光。倍朗也。此化家爲國。易侯而王之象。然變者其毛。不變者其質。毛變則改觀。質則未變之前。其質早有以懾服百獸矣。大人定鼎。天下之耳目一新。實則定鼎之前。其德早有以繫天下之望矣。九五剛中之德。久信於民。故未占有孚。蓋能孚於占之前。斯可革於占之後也。巽口在下。未占之象。

上六君子豹變小人革面征凶居貞吉

上六革道已成五變而上亦隨而變豹與虎同類而差小其性好隱君子之處亂世若豹之隱於深山及鼎革而後出亂世而遇新主雖不在位亦能以德業文章彰顯於世故君子豹變若小人則革面易嚮以從新主之命故小人革面兌爲口乾爲首口在首上故象面而猶向也改向新主也革道之終天下大定武夫解甲四民復業故征進則凶居貞則吉下卦革之主上卦受革者故下三爻言革上三爻言改變

三三鼎

巽下  
離上

鼎烹飪之器也。上離下巽以木巽火所以烹飪。鼎之象互體乾兌乾兌皆金兌又爲澤金爲之體澤氣潤之爻以木火所以調和五味熟物養人也。卦畫初六一鼎足二三四三鼎腹六五二鼎耳上九一鼎鉉合而爲鼎易惟井鼎二卦以物名卦蓋天地之用莫大於水火生人之道莫重於飲食制器尙象此其最先井日取而不竭鼎日用而常新聖人有取焉。

鼎元吉亨

六五陰居尊位而應乎陽卦中有乾體五能有之此以坤道而凝乾元也故元先王成象以制用革茹毛而爲火食推陳出新化剛爲柔可以事神可以養人故吉陰陽交通故亨易變則通

鼎者變物之器也。水火不變化，不能成食；陰陽不變化，不能生物。學問不變化，不能造道；政事不變化，不能利民。此鼎之所以亨也。

初六鼎顛趾利，出否得妾，以其子无咎。

初在鼎下，爲趾，巽下斷，故顛趾。以一陰承三陽，不勝其重，故顛也。顛，傾也；倒也。趾倒，則鼎中之物出矣。居鼎之初，尙未烹飪，其所存者，敗惡宿物，故利於出之，以致潔取新而納陽實，故利出否。陰濁居下，否之象。卦惟二陰，初陰在下而位賤，妾之象。初雖賤而乾卦三陽託體於初，乾男爲子，母以子貴，初之陰以載陽而貴，猶鼎趾雖卑而非趾，則鼎之腹无所託焉。有取於鼎趾者，以其能載鼎腹也。得初六之妾者，以其有丈夫子也。故雖陰柔



在下而无咎。

九二鼎有實我仇有疾不我能卽吉

陽爲實二以剛中之美居鼎腹之下。方實物於其中。必須謹慎。故特言有實以重之也。初无實可以出。二有實則不可出。倘因初之出而亦出。則其實覆矣。怨耦曰仇。仇謂初。巽爲疾。初六陰柔巽主。故有疾。蓋初與二雖相際。而鼎趾鼎腹之間。必隔蔽而不通。近而不通。則爲仇。若使初能卽二。趾與腹通。則腹中之實盡洩。惟其不通。初有壅塞阻隔之疾。不能就二。故二得保其實而吉也。我二自謂卽就也。

九三鼎耳革其行塞雉膏不食方雨虧悔終吉

三當兩卦變易之地。故言革。鼎耳在上。而耳根附於腹。故言耳。

三當燔炙之時。鼎猶未熟。離火方熾。耳之色變。故革。鼎以耳行。三之時方進火。不可舉以行。故塞。且舉鼎以耳之上。不以耳之根也。又實滿於中。不開其上。不能出之。是以塞也。蓋任天下之重者。君臣不能任。舉鼎者五。三不能舉。故耳革而行塞也。離爲雉。潤以兌澤。雉膏之象。兌口爲食。三在口下。不食之象。三本陽剛。美物可食。而位在鼎中。時猶未熟。故不見食於人。兌澤爲雨。三之時烹飪未成。逼近離火。恐其燥而潤以水。故方雨。所以調和水火。變理陰陽。而使之美也。以時尙早。故言方。兌毀爲虧。食久鍊則質必銷。故虧。蓋雉膏雖美。不烹則不可食。猶剛勁之才。不陶鎔則不可用。雉膏見虧。然後知質不足恃。時不可爭而悔矣。然三象鼎中。所以烹調變化者。全在乎此。火候足則美質章。

時至則其才顯矣。故雖虧悔而終吉。論語曰：不患无位，患所以立。易曰：藏器於身，待時而動。君子不能使人必食，而能爲可食。然果有可食，則亦不患其終不食也。

九四鼎折足，覆公餗，其形渥凶。

四上公位，故稱公。餗，八珍之具也。陽實居高，故稱公。餗應初，初爲足而下斷，故折足。折則覆鼎內之公餗矣。渥，沾濡貌。兌澤之象，餗覆則偏體沾濡，故其形渥而凶。四本大臣之位，而六五之君陰弱，以全鼎之任託之，任綦重矣，而不中不正，不可勝任，下連三陽，陽實皆萃於四，乃不求陽剛之君子以分其任，而任用陰柔之小人，其應在初，故信用之以初之柔弱而承三陽，未有不折者矣。以小人而參大事，未有不敗者矣。初敗則四敗，四敗

則全鼎因之以敗。故足折而餽覆。此宋臣所謂大臣誤陛下而大臣之所用者誤大臣也。初陰虛无實。故顛趾反有出否之利。四陽實極滿。故折足頓致覆餽之凶。無德而居上位。獲咎爲獨重。其勢然也。形渥或作刑剭。剭重刑也。敗而受刑。故凶。坎爲刑。離明刑者。

六五鼎黃耳金鉉利貞

五居上位。象鼎之耳。離黃色。故黃耳。鉉謂上九陽尊。故稱金。乾兌亦爲金。鉉貫鼎以舉耳者也。鼎之體在腹。鼎之用在鉉。五若无所與焉。不知鼎无耳則不能行。鉉无耳則無所貫。雖有美物不可得食。蓋六五貴其得中。尤貴陰虛。惟中故能得進退舉措之宜。惟虛故能下容陽實而上容鉉。以无用爲用。則用皆其用。

也。人君惟不自有其才。故能用天下之才。人君恃才。則朝廷之上无才矣。陰得中而上承陽。故利貞卦時至五。已熟未開。當以正固守之也。

上九鼎玉鉉大吉无不利

上九在鼎之外而居最上。象鼎之鉉。陽居陰位。色明質美。故稱玉鉉。下應乾。乾亦爲玉。鼎實在中。而无鉉則不能舉而食之。是收鼎之功者鉉也。上雖无位。而能輔五以成養人之功。則其德大矣。鉉雖无用。而能貫耳以成全鼎之用。則其施溥矣。置於宗廟朝廷之上。則玉鉉之美。爭輝壇坫。成飾而備禮。可以敬祖考。可以奉賓客。故大吉而无不利。又鼎以上出爲用。至於上則食熟鼎開。出以利用於天下。鼎道於是大成矣。

三三震

震上

震動也。一陽生於二陰之下。動而上出。其象爲雷。雷起於地而  
上出。振奮動盪。陽氣發動。而其氣又能振動萬物。故訓動也。以  
六子言之。震一索而得男。故爲長男。萬物莫先焉。長男代父。故  
主器者莫若長子。

震亨。震來虩虩。笑言啞啞。震驚百里。不喪匕鬯。

陽來通陰。萬物咸動。故亨。陽氣方來。故震來。虩虩恐懼貌。震驚  
則恐懼。是以省身修德。而能致福。終有笑言之喜。震有笑言象。  
啞啞笑而不譁之貌。常懷震懼。雖樂而有則。不至喧嘩之无節  
也。雷震之威。驚及百里。驚遠懼邇。所以提醒人心。使之敬慎。警  
覺。不致以怠忽失所守也。故不喪匕鬯。互艮爲廟。互坎爲鬼神。

震長子主祭之人。故守祭器而不喪。匕以載鼎食。鬯以秬黍酒和鬱金。所以灌地降神者也。坎爲棘。艮爲手。以棘載肉而升之俎也。互坎爲酒。大離爲黃。酒而黃鬱鬯也。人君於祭之禮。匕牲體薦鬯而已。其餘不親焉。不喪則可以保其宗廟社稷。以爲祭主矣。詩云。畏天之威。于時保之。此之謂也。

初九震來虩虩後笑言啞啞吉

震得乾之初陽。故初九爲震主爻。當震之始來。虩虩恐懼。則始於憂勤者。必終於安樂。故後則笑言啞啞。喜樂有則而吉。在初而言後者。初爲致吉之本。原始以要終也。

六二震來厲億喪貝躋于九陵勿逐七日得

六二乘初九之剛。雷起於下。奮猛而來。勢不可當。二以陰柔乘

而當之。故危厲至於億喪貝。大離爲羸蛛。故稱貝。互艮亦爲貝。十萬曰億。言所喪貨貝之多也。艮山爲陵。震爲足。乘初九以升艮山。故躋於九陵。九陽數也。九陵言其高也。二以柔乘剛。因初之震而喪其資。然得中得位。終能失而復得。震動有逐象。艮止。故勿逐。七日者。卦六位。歷六而七復至本爻。自此失復自此得。不必追逐。但靜守以俟。一周卽還矣。大離爲日。

### 六三震蘇蘇震行无眚

六三距初之陽已遠。雷聲少緩。故震蘇蘇然。蘇蘇舒徐之意。位在兩卦之間。二雷交行之地。震雖不猛而未嘗息。故震行。因震而警惕。不敢怠緩偷安。致生災患。故无眚。

### 九四震遂泥



九四下卦之雷方終上卦之雷忽至故震然陽居陰位而陷重陰之中陽氣不能暢達故方震而遂泥泥沈滯之意也上下重陰爲土互坎爲水泥之象又坎爲陷互艮爲止陷而止故遂泥也。

六五震往來厲億无喪有事

五陰居尊位而下乘九四之剛又乘下卦之剛上下之雷迭起故震往來而危厲然危懼之至者持守愈固五又居中用事屯勉恭勤故億萬之大亦无所喪而能起而有事也敬勝怠者吉怠勝敬者凶從古聖賢未有不憂勤惕厲者也

上六震索索視矍矍征凶震不于其躬于其鄰无咎婚媾有言上六當震之終雷聲已遠故索索索索者聲之微也大離爲目

故視雷聲方終神志未定故矍矍矍矍者視不正也震極則當  
息動極則當靜若不止而征則凶上距陽已遠不受震而五受  
之故震不於其躬於其鄰鄰指五上與五近五震則上因五而  
亦震近畏鄰戒有所懲懼不敢縱恣故无咎婚媾有言者卽婚  
媾亦有責言故畏戒也震爲言上六兌爻爲女下與震男有婚  
媾象兩陰不應故有言凡稱婚媾者皆取陰陽相應八統卦六  
爻不應似當取諸對卦震稱婚媾當指巽卦也

三三艮

艮上  
艮下

艮止也。二陰欲進，而一陽在上以限之，故止。又陽至於上，上無可進，故止。震得乾之初爻，陽氣方起，故動。艮得乾之上爻，陽氣已終，故止也。其象爲山，山本坤地而上隆，上實下虛，峙立不動，艮上之象。以六子言之，艮三索得男，故謂之少男。

艮其背，不獲其身，行其庭，不見其人，无咎。

兩山不相襲而相背，各止不進，兩不相應，背之象。人身皆動，惟背不動，故艮其背。人能見前不能見後，背在不見之地，止於背則无所見，故不獲其身。又背在身後，止於背則外其身，故不獲也。互震爲行，艮爲門闕，兩門之間爲庭，靜中有動，故行於庭，雖動亦靜，故不見其人。不獲身者，內不見己，靜時之靜。內卦之艮

也不見人者。外不見人。動時之靜。外卦之艮也。雖陽剝於上。六爻不應。可以无咎。吉凶悔吝生於動。若艮則內無欲。外無爲。安從得咎也。昔周濂溪言主靜。後人往往誤會。欲息緣而緣不可息。欲止念而念不可止。此分動靜以爲靜。不知合動靜以爲靜也。天之行无一息停。而蒼蒼者自若。地之運亦无一息停。而茫茫者自若。故車輪之動也。有不動者與之俱。而非軸之謂也。水波之流也。且流且澄。而非泥沙之謂也。故主靜者靜亦靜。動亦靜。清淨不染。動靜如一。乃真靜者也。

初六艮其趾无咎利永貞

初爻象趾。故艮其趾。趾所以行。趾不動則足不動。足不動則身不動矣。凡忿已動。欲已起。然後止之。則恐不及。初艮其趾。是止

于未動之先也。可以无咎。又初者事物未交之會也。物來則順應。物未至則當止。心動而預迎之。則役於物矣。故孔子曰。无意无必。又曰。不逆詐。不億不信。初於事物未來之際。止而不動。故无咎。陰柔在下。得止之正。故利永貞。水久澄則泥沙下。心久定則嗜欲消。故利於永遠正固也。

六二艮其腓。不拯其隨。其心不快。

二居下體之中。故艮其腓。人將行則腓動。艮其腓則止而不行矣。惟腓隨乎身。二之陰承三之陽。三止則二亦止。三動則二亦動。不能挽救其失而隨順之。故不拯其隨。拯救也。隨人則不得自由。故其心不快。快暢適也。互坎爲心。又爲加憂。故不快。二在內卦之中。爲心。或謂心指三。三薰心而二不能救。故不快也。

九三艮其限列其夤厲薰心

限身上下之際卽腰膀也夤脅也三當上下之間故艮其限止於腰際則上者不下下者不上若將一身分而爲二故列其夤列分也三以一陽處四陰之間分列之象處兩山之間亦分列之象又互震爲動下止而上動三處其中分列之意分列則內外不能一致體用不能一如臬兀不安動止失據故危厲至於薰心薰灼也三在卦中又居內卦爲心互坎亦爲心蓋欲淨理純則心自靜心靜則身亦靜三位不中又互震動是有動於心強制於外故其心若薰灼然也大離爲火有薰灼象

六四艮其身无咎

四處一卦之中爲身故艮其身三爲心四在三外則爲身以陰

居陰本不妄動。而又居重艮之間。外因內止而止。身因心靜而靜。靜止則不動。故无咎。

### 六五艮其輔言有序悔亡

五居上卦而陰耦。輔之象。輔口兩旁也。自三至上互頤。五居其間。故艮其輔。互震爲動。輔動故言。震亦有言象。動而能止。故言有序。序次第也。禮曰口容止。又曰安定辭。安詳靜定則言不凌亂也。山以止而不遷。故有高下。有陰陽。雖極缺崎礧磊之致。而不見其龐雜。言以止而不亂。故有先後。有輕重。雖極波翻瀾動之致。而不以爲厭煩。如此則吐辭不至啓羞爲文足以行遠。故悔亡。夫尊位而僅有言。固宜有悔。止而得中。悔乃亡也。卦與咸皆取象於身。而咸以四爲心。此以三爲心。咸以上爲輔。此以五

爲輔。蓋心者陽象。咸四艮三皆陽爻。輔者陰耦象。咸上艮五皆陰爻也。又咸動故進。艮止故退。所以兩爻皆退一位。

上九敦艮吉

上九艮卦之終。土積愈厚。故敦艮。敦厚也。山愈高則愈厚。不厚不足以爲高也。厚重不遷。高高在上。詩所謂南山之壽。不騫不崩者。此其象也。山高厚則足以興雲雨。殖貨財以利天下而育萬類。故吉。又敦艮者。止之終。靜之至也。大學曰。知止而後有定。定而後能靜。靜而後能安。安而後能慮。慮而後能得。止之終則得矣。莊子曰。吉祥止止。止而又止。故吉。



三三漸

艮下  
巽上

漸進有序也。巽風行於艮山之上。山高多阻。風無不入。沿山循行。漸之象。山積長增高。勢有層級。風由近及遠。行有次第。山積於下。風進於上。皆漸之象。巽又爲木。木以漸而長。山以漸而高。木又因山高而高。亦漸象也。止於下而巽於上。漸之道也。

漸女歸吉利貞

巽長女。艮少男。止而入。剛柔交。本有婚姻之象。然長女少男。不可爲配。故不言取女。而言女歸。長女在外。下乘艮止而不卽前。待男而行。六禮必備。乃以漸進。陽唱陰和。吉之道也。又內止而外順。女道之正。故女歸吉。以男感女爲咸。咸主男。故言取女。女進以正。爲漸。漸主女。故言女歸。二五剛柔相應。得中得正。又以

六四承九五。六二承九三。順乎陽而進以正。故利貞。進身之始。不可不正。孟子曰。古之人未嘗不欲仕也。又惡不由其道。不由其道而往者。與鑽穴隙之類也。然則女之歸。士之仕。其義一也。初六鴻漸于干。小子厲有言无咎。

巽爲鷖。艮爲黔喙。互離爲飛鳥。互坎爲水。故象鴻。鴻大雁也。至有時行有序。配有耦。與漸之道合。故諸爻皆取象焉。又鴻隨陽之鳥。喻女之從夫。臣之從君。故昏禮用鴈。大夫之贊用鴈。皆重其始進也。干水旁也。互坎爲水。初在其旁。故漸於干。鴻爲水鳥。進乎水。得其所矣。艮爲少男。爻又在初。故稱小子。陰柔穉弱。伏處下位。不敢輕進。又无正應。故危厲而外有責言。巽口向下爲言。女无美惡。入宮見忌。士无賢不肖。入朝見疾。初進之時。固不

能无讒謗之者而其道固无咎也

六二鴻漸于磐飲食衎衎吉

艮爲山互坎爲水水旁大石磐之象由干而磐地美而身安飲啄甚便網罟不加食所應食无所畏忌故飲食衎衎坎爲飲食衎衎和樂意鴻之性非其往不往非其居不居非其食不食二位中正上有正應遇合以道是居非徒居居得其所食非徒食食得其宜故吉

九三鴻漸于陸夫征不復婦孕不育凶利禦寇

九三艮山之上故象陸陸高平處也鴻飛至陸舍其故居將以遠行故詩曰鴻飛遵陸公歸不復也三陽爲夫四陰爲婦以陽承陰夫婦不和之象不中不和夫棄其妻而迷戀於外夫征而

不復矣。艮爲止。互離爲火。火山旅。故征。體艮止。故不復。離爲大腹。孕之象。坎爲血而漏於下。不育之象。卦互未濟。亦不育象。育生也不中不和。雖孕而不生。其凶可知矣。惟寇盜之來。則能禦之。蓋以陽剛之才。內得羣陰之順助。故利禦寇。艮爲山爲止。居山之上。止寇之侵。禦寇象也。

六四鴻漸于木。或得其桷。无咎。

六四已出下卦。漸飛漸高。故漸於木。巽爲木。鴻爪連不能握枝。木非鴻所棲也。然鴻進以漸。飛至於木。不欲更進。回翔木末。求得平柯而暫憩之。桷。平柯也。或疑詞。木不皆有桷。而四以安詳柔巽。或求得之。如此則身得所託。不罹網罟之患。雖不得中而亦无咎。君子高不忘危。寵不忘害。進而如不欲進。必求所安。是

以雖高而不危。雖寵而不害也。

九五鴻漸于陵。婦三歲不孕。終莫之勝吉。

巽爲高。艮爲山。五在山上。故稱陵。陵高阜也。學積小而成大。飛由卑而至高。鴻不期於陵。而終至於陵者。不輕進故終進也。婦指二。二五陰陽之正應也。互離爲大腹。有孕象。互坎爲血。而漏於下。故不孕。三歲三爻時之久也。士仕則養民。女歸則育子。人之常也。而君子无希榮之意。賢女无求寵之心。故羣小競進而君子有沈於下僚者矣。蛾眉獻媚。而賢女有退處閑宮者矣。不急求合。是以不孕。然二五正應得位。終非羣小所能閒隔。故終莫之勝。而吉。情易合者亦易離。事易成者亦易敗。不孕至於三歲。合之難。故合必固也。

上九鴻漸于陸其羽可用爲儀吉

處外卦之上故亦稱陸上九亦艮爻艮爲山巽爲高高平之處爲陸漸進至上而猶在陸者鴻且飛且止不似一飛冲天者之入於冥冥中也又卦互坎離離南坎北三與上之遵陸一南鄉一北鄉亦進之有序也上雖居无位之地而其行有序戔戔清遠閑雅從容其羽可取以爲儀式而吉矣下有互坎遠坎之水則羽不泥外卦爲巽乘巽之風則羽不亂其身之進退可法其羽亦閑整足貴也古者文樂用鴻羽以舞昭文德事鬼神以風動天下吉孰大焉又上已去位故不用其身而用其所遺之羽此猶老臣去位而儀型猶在其進退之道足爲法於後人而善風俗也

三三歸妹

兌下震上

歸妹。妹。少女也。婦人謂嫁曰歸。震男兌女。二五應。說以動。有婚姻象。然長男少女。不可爲配。故取象於歸妹。兌少女爲震之妹。少女在內。長男動而送之。歸妹之象。說以動。歸妹之道也。又雷震於上。澤隨而動。陽動於上。陰說而從。亦歸妹之意。

歸妹征凶无攸利

歸妹。二五相應而不得正。兩卦陰皆在上。陽皆在下。以陰乘陽。不可謂順。說而卽動。不可謂正。以此道征進。則凶而无攸利。卦與漸相反。漸陰順陽。故吉。歸妹陰乘陽。故凶。漸女在外。故進。歸妹女在內。故吉。歸妹中四爻皆不得位。故凶。漸女在外。故進。歸妹女在內。故不可進。漸入而止。得進之道。歸妹說以動。失進之道。婚姻之

禮女待男行歸妹而征則是無人迎之而自往歸非正道也。

初九歸妹以娣跛能履征吉

兌爲少女。初位在下爲娣。娣媵也。不得聘迎而自往歸非婦道之正。然惟妾媵不待親迎。不待備禮。因嫡之歸而從之歸。故歸妹之道。在妻則非。在妾則合。初九位在卑賤。不敢當大禮之備。而自往歸。說以奉嫡。有吉道焉。初九震爻。震足爲履。遇兌毀折。故跛。初位在下亦爲履。跛而履則常在人後。不敢急前。卑賤之分也。以此道進則吉矣。足以兩而行。夫婦以兩而成。跛者一偏而一正。娣之象。又君之妻曰中宮。士人之妻曰主中饋。初不中故爲娣。兩足齊則履道得中。初不中則一高一低。故爲跛。

九二眇能視利幽人之貞



互離爲目。遇兌毀缺則眇。九二不正。故象目之眇。能視而不正也。目以兩而明。夫婦以兩而成。一昏一明。不足爲明。以陽承陰。不可謂正。故不言夫妻之象。兌爲澤。二在澤中。一陰掩之。故稱幽人。陽剛得中。雖遭掩蔽而志不變。故利幽人之貞。蓋眇則有見。有不見。外不相炫以色。內則自晦其明。所以葆其貞也。

六三歸妹以須反歸以娣

六三陰爻。又不中正。故歸妹以需。需通作孀。陰不中正。故稱孀。兌爲賤女。孀之象。孀賤女也。猶僕婢之類。將以奉嫡而歸。而三遠於五。而近於二。不能從五以歸。反從二以歸。故反歸以娣。娣。謂二。一說需待也。女待禮以行。而不卒待。故反以娣之禮歸之。九四歸妹愆期遲歸有時。

四爲震之主爻。震主器則不可爲娣。不得中位則又不能歸。故歸妹愆期愆失也。已訂歸期而失之也。互離爲期。四在其外。故愆期。兌少女。離中女。四由少女而爲中女。年已長矣。出下卦而至上卦。時已過矣。所以愆期。震爲行。在互坎中有欲行不得之象。然四不中无應。本无佳耦。或有佳耦而禮不備。故遲遲然歸。非終不歸。將有待也。時候也。待有歸之時候也。

六五帝乙歸妹其君之袂不如其娣之袂良月幾望吉

六五陰居尊位。女之最貴者。故取象於帝乙之妹。五帝位。震爲乙。故稱帝乙。五居震後。故爲妹。下與二應。故往歸之。高而能降。貴而不驕。吉道也。天子之女嫁於諸侯。其國內稱爲小君。故曰其君正名也。六二離爻。卽坤中爻。有衣裳之象。震亦有竹木絲

麻之象在兌口上爲袂。袂袖也。陰耦之象。陰性吝嗇。故不如其  
娣之袂良。舉袂而其服可知。因服而其飾可知。帝女尊貴。无假  
文飾。故不如其娣之袂也。詩曰。百兩將將。曰爛其盈門。嫁之盛  
儀也。至詠王姬下嫁。則不過曰。曷不肅雝。王姬之車而已。蓋重  
之以王姬。則儀文可從略矣。兌象月之將滿。五處其上。故幾望。  
又互坎爲月。互離爲日。月在震東。日在兌西。月因日光。故望。陰  
從陽行。故吉也。月望以喻陰道之盛。必言幾者。陰不可以太盛。  
故月盈則有虧之患。必幾望乃爲福也。又惟月可以配日。惟嫡  
可以配夫。娣袂雖良而位則賤。不敢以擬嫡之盛。詩曰。嘒彼小  
星。三五在東。言小星隨月以行。妾當隨夫人以進也。歸妹征凶。  
獨六五吉者。蓋女必待男求。惟天子之女。則人不敢求。而自往。

歸焉。是歸妹在他人爲越禮犯義而凶。在帝女則爲降尊屈貴而吉矣。

上六女承筐无實。士刲羊无血。无攸利。

震爲竹。爲萑葦。筐之象。上六陰虛。故无實。兌爲羊。離爲刃。故刲羊。坎爲血。位在坎外。故无血。歸妹本以成婚。又居震上。動而亟往。然以陰掩陽。有乖正道。上應在三。以陰應陰。不成夫婦。故曰女未成其爲妻也。曰士未成其爲夫也。取妻所以供祭祀。承筐刲羊。殆將祭也。乃筐旣承矣。而无實。承猶未承也。羊已刲矣。而无血。刲猶未刲也。不成婚媾。以承祭祀。故无攸利。

三三豐離下  
震上

豐大也。充滿盛大之謂。震爲動。離爲明。震之動。生氣彌滿。離之明。光輝普被。陽氣勃發。故豐資明以動。動而能明。致豐之道也。震爲雷。離爲電。雷火通明。氣象充滿。豐之象。又震爲春。離爲夏。春生夏長。草木暢茂。亦豐之意。

豐亨王假之勿憂宜日中

雷電合而陰陽通。萬物以長。故亨。王指五。天下之大。四海之富。惟王者得以至此。故王假之。王者所至。故豐。非王不得有此豐也。勿憂者。有憂者也。地大則宵小萌孽於其間。國強則禍害隱伏於其內。事繁則叢脞可患。人稠則調輯爲難。故盛之至者。衰之始。滿之極者。虧之漸。此常人所不憂。而聖人獨有憂焉。然所

以致此豐者明以動也。常明以動則常保其豐矣。故勿憂。宜日中。日之方中。幽隱畢照。不爲陰暗小人之所蒙蔽。則无憂矣。大坎爲憂。互兌說。故勿憂。離爲日。震爲東方。日在東方。進則得中。故宜日中。又震爲東。互兌爲西。東西之間爲中。日在此則明照天下。而无蔽之者矣。中者不可過之謂也。日過則昃。陽過則陰。故聖人保泰持盈。只有一中。如日麗中天而不可過。過此則入於昏沈界內。雖未卽暝。而未有不暝者矣。

初九遇其配主。雖旬无咎。往有尙。

配主謂二。二爲下卦之主。而與初有陰陽之配。故初遇之。旬十日也。天有十日。謂一周也。盛極則衰。日中則昃。初時尙早。位又在下。如日初出。尙不至中。故雖相處十日之久。亦不爲過。故无

咎又一月三十日。以六爻分之。初二當得十日。故稱旬。十日未及一月之半。故可无咎。昔人云。世間福只享三分。是之謂也。初時未甚豐。又離明之始。故往有尙。此如日之初出。欲其進麗中天而致豐也。一說。配主謂四。初電之始發。四雷之初起。初四相遇。可以破暗而致豐也。

六二豐其蔀。日中見斗。往得疑疾。有孚發若。吉。

互大坎爲叢棘。互巽爲柔木。震又爲蕃鮮。巽又爲高爲長。故豐其蔀。蔀。席也。離爲日。上遇六五之陰。掩蔽其明。豐其蔀之象。二位居中。故日中。斗指五。震仰盂。斗之象。斗爲帝車。五居帝位。故象之。離目爲見。斗見於夜。不見於日者。其光爲日所奪也。日光掩則斗見矣。一以文明之臣。上遇昏暗之君。掩蔽如此。不可往。

往則必得疑疾。故曰交淺而言深者愚也。未信而納忠者謗也。蓋二與五兩陰不相應。又陰性蒙蔽。故致疑疾。慮其見疑。我當有以信之。故有孚發若。感發以信。釋其疑而去其疾。故吉。蓋五雖陰暗。而二爲離明之主爻。又得中正之道。有孚於五。於以發蒙。破暗而致豐盛。所以吉也。坎爲疑爲疾。巽進退亦爲疑。又爲風爲躁。亦爲疾。坎有孚象。兌巽亦有孚象。

九三豐其沛。日中見沬。折其右肱。无咎。

沛通作施。旛幔也。沬斗杓後星。上六在六五後。沬之象。三居離卦之終。上遇陰暗。掩蔽其明。故豐其沛。沛較部尤暗矣。日中見沬。較見斗尤甚矣。三在全卦中。故亦稱中。互巽爲肱。三陽位爲右肱。互兌爲毀折。故折其右肱。三以剛直。上遭掩蔽。右肱欲進。



而見傷折肱折則不可用不用則亦不遭害故无咎九三艮爻爲止見傷而止之象夫賢臣國家之肱害賢臣是自折其肱也在賢臣不過見傷而退已耳吾獨歎夫愚暗之君自折其肱使不可用國家何賴焉

九四豐其蔀日中見斗遇其夷主吉

九四不當位亦以陽而掩於陰故豐其蔀日中見斗斗亦指五夷主謂五五全卦之主也夷傷也猶明夷也卦似明夷五以暗君夷傷離明故謂爲夷主四獨近五而承之陰陽不正而相合故遇夫昏柔之主非左右近臣不能格其非心四以陽剛之德居近臣之位震動君心開其蒙蔽故吉蓋豐大之世小人潛長掩蔽其明至四而震動動則明復矣雷震一聲羣陰破散故吉

也

六五求章有慶譽吉

六五尊位。天下所歸。而以陰居陽。則有虛衷之美。又爲離爻。則有知人之明。故能招來章顯之才。有慶與譽而吉也。章顯也。陰陽雜而爲章。亦雷電合而章也。五本陰柔。不足破暗而致豐。而得中居尊。任用羣陽賢才並進。則錮蔽自解。致有喜慶兼享榮名。故保其豐而吉矣。在兌口上。譽之象。

上六豐其屋。蔀其家。闕其戶。闕其無人。三歲不覲。凶。

上六豐道已終。陰暗在上。掩蔽全卦。外極其大。內極其暗。故豐其屋。蔀其家居。上故有豐屋之象。掩下故有蔀家之象。互坎故稱屋。又震巽木爲棟。亦屋之象。初至四互家人。故稱家。震巽爲

卓周匝掩蔽。故部離目爲闕。宮室之間爲戶。陰爻則闕戶。故闕其戶。陰虛之極。故闕其無人。闕靜也。戶之中非无人也。覆蓋而不見也。國之中非无賢也。掩蔽而不見也。孟子曰。无賢才則國空虛。謂之无人可也。三歲三爻也。三歲之久不得覲面。蔽絕甚矣。故凶。蓋雷火合而成豐。至於上則日已沈。雷已息。惟有重陰晦蔽而已。揚子雲曰。炎炎者滅。隆隆者絕。觀雷觀火。爲盈爲實。天收其聲。地藏其熱。高明之家。鬼瞰其室。上六之謂與。

三三旅

艮下離上

旅羈旅也。艮山在下。止而不遷。離火在上。行而不居。違去不處之象。故爲旅。艮之止似館舍。火之動似行人。逆旅有定。過客无常。所謂旅也。又山上有火。有倚藉而後發。火在山上。必閃爍而不足。亦旅之象。止而麗乎明。旅之道也。

旅小亨旅貞吉

陰稱小。六五爲旅之主。得中乎外而順乎剛。陰通乎陽。故小亨。言小者不足大也。陰承陽。柔順剛。止於正固。麗於文明。故貞而吉。夫去國離鄉。何所謂吉。然能柔順而承陽剛。內則靜而无欲。外則智足保身。何地不可得志。重耳以亡人興。晉陳氏以羈旅得齊。孔子孟子周流列國。而道傳天下。旅豈无吉之道哉。

初六旅瑣瑣斯其所取災

艮爲小。瑣瑣細小貌。當旅之初。將行未行。而初六陰柔則无才。卑下則无志。當旅之初。猥鄙卑陋。但檢點行李。計算細事。故瑣瑣。夫旅必有所爲。卽必有所志。初遺遠大而計瑣屑。斯其所以取災。災殃也。初尙无災。而其道足以取災也。

六二旅卽次懷其資得童僕貞

六二陰之正位。艮之中爻。旅得所止。故卽次。卽就也。次舍也。艮爲止。爲門庭。大坎宮室。卽次之象。虛中而承陽實。故懷其資。資財也。巽爲利市三倍。故稱資。柔順中正。人自歸之。故得童僕。艮爲童僕。初卑賤。二之童僕也。卽次得其地。懷資得其用。童僕得其人。三者備。旅道正矣。故貞。

九三旅焚其次喪其童僕貞厲

九三艮止之終。上遇離火。故焚其次。不中之地而久止之。故罹災也。艮爲童僕。互兌爲毀。故喪童僕。指初近二而遠於三。故二得之三喪之也。童僕雖小人。然旅則賴之。所謂久客親童僕也。三過剛不中。暴戾寡恩。不爲下之人所附。故童僕去之。失地失人。是以正固而危。

九四旅于處得其資斧我心不快

四出內卦至外卦而位不中正。故旅於處。處者僅有所處。不足以言次舍也。資以備用。斧以伐薪。旅時所需。四以陽剛之才。得之以爲用。資斧或作齊斧。離爲兵戈。兌爲金。巽木貫之。斧之象。然不中不正。以陽承陰。不得其位。不和平。人身雖暫安。而其心

終不快也。孔子在陳而思歸，孟子久於齊而非其志。此爻似之。互大坎爲憂，又爲心。四居卦中，亦爲心。

六五射雉一矢亡終以譽命

六五離之主爻，明哲保身，柔順待人，處得中而順乎剛，旅之善者也。離爲雉，大坎爲弓矢，故射見之的而始一發，一發卽獲，故一矢亡。明之極，順之至矣。離三爻獨五陰虛，一矢亡之象。古者士大夫出疆必載贄，旅而射雉，將以爲事君交友之資也。信乎友則有譽，獲乎上則有命。五以文明之德，順以承陽，故終以譽命。譽命非旅人所敢望，然推其道必能得之。故言終也。值互兌口上爲譽，居互巽上爲命。五獨不言旅者，五爲君位，王者无外，不可以言旅也。

上九鳥焚其巢旅人先笑後號咷喪牛于易凶

離爲飛鳥居上爲巢在震巽二木之上亦巢之象離爲火又爲  
科上槁位在離上故焚剛而不中高而失位如厝火積薪之下  
而處其上焚之必矣陽爻爲人故稱旅人應在三三二位亦爲  
旅人旅人貌合情疏初見則通款曲故先笑久則各有所適而  
不相顧而上又剛亢絕物人所不親故後則號咷同人親也五  
得中而與二應故先號咷後笑旅人不親也上又不中又不與  
三應故先笑後號咷笑號莫定象離火聲離爲牛兌爲毀故喪  
牛有順德上九以陽居陰失其柔順之性故喪牛於易而凶易  
疆場也又牛者居則爲耕耘之用行則爲負重致遠之資失之  
則居无所用行无所資所以凶也



三三巽巽上

巽入也。一陰入於二陽之下。陽能容之。卑伏於內。故巽。陰入陽內。順以承陽。故亦訓順。坤爲順。巽亦順者。以六子言之。巽一索而得女。巽爲長女。得坤初體。長女肖母也。於象爲風。陽極風生。無所不入。巽之象也。亦爲木。木性條達。風之類也。木由小而大。風由靜而動。亦象巽之陽上而陰下也。

巽小亨利有攸往利見大人

陰稱小。巽本陰卦。以陰爲主。故言小。陰來通陽。故小亨。陰生於下而順承陽。陽亦藉之以行命令。故利有攸往。巽爲風。風喜宣暢。又爲木。木喜條達。是以利有攸往也。大人指九五。九五雖非成卦之主。而陽得尊位。陰之所承以申命者。故利見之。表記曰。

天子受命於天。士受命於君。君命順則臣有順命。君命逆則臣有逆命。然則臣不過承命以致於下耳。而天下所利見者。實此九五之大人也。穀梁傳曰。爲臣而侵其君之命而用之。是不臣也。爲人君而失其命。是不君也。故巽之陰爻。雖成卦之主。而易必歸其權於九五。所以正君臣之分。端出化之原。此卽春秋尊王之意也。

初六進退利武人之貞

初六巽之主爻。巽爲進退。風之初起。盤伏不定。事之初謀。審慎不決。故進退然。巽究爲躁卦。互兌又爲決。故利武人之貞。武者勇決之義。當巽之初。申命行事。當果敢勇決。斷以正道。不可以因循失之。所謂能謀必資於能斷也。初以陰承陽。故利貞。巽之

一陰有武人象。陽舒陰慘。易言武人皆陰爻也。

九二巽在牀下。用史巫紛若。吉无咎。

巽木爲牀。上實下虛。牀之象。初陰虛。象牀之下。二象牀之中。近與初接。故巽在牀下。惟近乎民者。能得民隱。民隱得。則令易行。二承九五之命。以逮初六之民。居中用事。故用史巫紛若而吉。離文明爲史。互兌爲巫。紛若紛紛然也。象巽風之形。二臣位而得中道。上思承君。下思順民。處事詳審。令不妄發。用史者。稽於古以宜於今。用巫者。驗於天以合於人。故吉。雖无應而亦无咎。

九三頻巽吝。

九三過剛不中。下則距初已遠。不能相接。上則承四之陰。陰陽不順。故頻巽而吝。頻通作囁。囁蹙也。一說頻重也。此風未終。彼

風又起。故頻巽。巽而頻。行事則多謀少斷。申命則朝更夕改。事不能治。人何以堪。故吝。

六四悔亡。田獲三品。

六四雖不中而得正。以陰承陽。故悔亡。互離網罟。互坎弓矢。故田。巽爲利市三倍。故獲三品。三品。指下三爻。初巽爲雞。二互兌爲羊。三互離爲雉。一說三品者一乾豆。二賓客。三充君之庖。四能上奉乎君。而下得乎民。故多獲也。

九五貞吉。悔亡。无不利。无初有終。先庚三日。後庚三日。吉。

九五出令之君。陽剛中正而下乘陰。故貞吉。雖无應而悔亦亡。且无不利。風有藉而起。上卦又藉下卦以起。故无初。風至於天。則風勢息矣。巽在尊位。則柔道成矣。故有終。又下乘六四。有陰。

以終其事。是以有終也。先後庚者。諷日以行事也。下乘互兌。兌位爲庚。故用庚。巽在東南。庚在西。東南生長之鄉。而西成之。故庚者巽之所終也。庚與甲對。故十干始于甲。更于庚。蠱爲事之始。故用甲。所謂終則有始也。巽爲申命。重申其命。故用庚。所謂无初有終也。又庚爲金。主義能斷。巽爲木。主仁。九五尊位。不可過於仁柔。必當斷之以義。而下有互兌。正西方庚位之金。堅剛能決。足以濟其不足。九五所當用以斷事而申命也。先後進退之象。巽爲進退。先三日爲之告誡。後三日爲之丁寧。所以能制事也。三者上下各三爻。離爲日。庚前三日丁戊己。後三日辛壬癸。獨無木象。不更以仁柔濟仁柔也。詳而能斷。義以成仁。故吉。上九巽在牀下。喪其資斧。貞凶。

陽居在上。象牀之上。與牀下不相接也。上居失位之地。與民不相習也。而欲申命行事。亦必下藉乎陰。故亦稱巽在牀下。然居於上。則非用巽之時。遠於陰。則无相承之義。故其象與九二同。而其道異矣。兌金而貫以巽木。資斧之象。兌缺。巽斷。故喪。巽究爲躁。陽必能剛。上九本有能斷之器。然亢而无助。高而无位。非行事之地。失申命之權。喪其利器。故正固而凶也。

三三兌

兌上兌下

兌說也。卦象口開說之象。人有喜說必見乎外。內滿而外開。內剛而外柔。故說。又一陰居二陽之上。陰說乎陽。而又爲陽所說也。內能誠實。外則和柔。說之道也。於象爲澤。下實上虛。澤之象。澤者水之聚。坎上下虛。故流。兌上虛下實。故聚。止水明淨。見者喜說。草木受其潤澤。莫不獲益。是澤亦有說之義。以六子言之。兌爲少女。坤交於乾。三索得女也。

兌亨利貞

陰陽接而相說。故亨。剛柔濟而五中正。故利貞。兌與巽皆陰卦。而兌言亨。巽言小亨者。兌陽息之卦。陽來陰通。故亨。巽陰消之卦。陰來陽通。故小亨。震亦陽息之卦。故亨。艮則陰消之卦。陰消

過半則陰陽不交。故六子獨艮不言亨。是以自姤至剝。陰消陽之卦五。四卦不亨。惟遯亨者。陰得中正。二五交也。陽息之卦。自復至泰皆亨。其大壯。夬。无亨者。陽通陰則亨。陽過盛而欲滅陰。則不亨矣。又取卦象。水火風雷澤。或宣通。或流通。皆能通萬物。故亨。艮爲山。則无可亨也。又取卦義。離陰麗於陽。故亨。坎陽陷於陰。而陽居中正。雖陷而亦通。故維心亨。動則勢通。說則情通。故震兌亨。巽能入。故小亨。艮爲止。則无所亨也。由是推之。六十四卦。或亨或不亨者。可知矣。又乾坤元。而六子不元者。乾坤生六子。六子不相生也。且臨之以父母。子得稱爲元乎。六子不元。而他卦有元者。他卦或體乾德。或得坤道。不似六子之純乎子道也。且他卦二五相交。中正相應。而六子固相背之卦也。又卦



有貞有無貞者。貞陰道之常。乾以陽統陰。故首元而終貞。坤陰道之本。故疊言貞。坎艮震三陽卦。得乾之一體。故皆不言貞。離兌巽三陰卦。得坤之一體。故皆言貞也。

初九和兌吉

初九陽剛得正。體說之初。居於下則无所爭。適於陰則无所係。有如平旦之時。陽和之氣充滿宇宙。又如赤子之生。沖和之德溢於眉宇。无雜无妄。无感无觸。說之本和之至也。故和兌而吉。又兌爲澤。能潤物。初在地下。受潤之處。亦和之象。

九二孚兌吉悔亡

九二誠實居中。上孚於陰。陰陽相信以說。故孚兌而吉。雖承陰而悔亦亡。兌有孚象。九二坎爻。亦有孚象。又互成中孚。故二五

皆言孚。說之本在乎孚。中有實德。誠信相感。說者无嬖愛之私。爲所說者无逢迎之意。是以吉也。又初之說在內。二之說則見於外。有誠中形外之象。孟子曰。睟然見于面。盎于背。施于四體。四體不言而喻。孚兌之謂也。

六三來兌凶

內卦爲來。六三內卦之主。故來兌。陰柔不中。不能往而承陽。反來而乘陽。不守中道。苟以取說於人。此諂媚之小人。君子之所棄也。故凶。兌爲止水。三在兩止水之間。不能上出而往。反求聚於下而來。必有橫決之意。故象來兌而凶。

九四商兌未寧介疾有喜

九四處兩兌中。兩口相接。有商量意。故商兌。不得位。故未寧。互

巽爲進退亦未寧象寧安也大坎爲疾巽亦爲疾介猶界也或云大也疾愈則有喜陽爻爲喜九四陽不得中值進退之位介陰陽之間上則從五之陽下則順三之陰從陽則從道從陰則從欲從道則不勝其私從欲又不安於心擬議商度未決所從天人交戰於胸中其得安乎然人苟溺於私慾則沈酣迷惑而不知返商兌未安四固不安於私慾矣思之久則是非自見辨之力則順逆自分故四終能以陽剛之才絕三從五雖介乎疾而有喜也臧武仲曰美疾不如惡石夫謂疾爲美謂石爲惡則固好邪而惡正矣然能辨其爲疾爲石則終无疾矣然則商兌之功胡可少哉

九五孚于剝有厲

九五剛正居中。以信於陰。故孚。剝陰剝陽也。兌爲毀折。有剝之象。兌正秋卦。五上兩爻則象杪秋。剝九月卦。故言剝。九五陽居尊位而體重。說以中正之德。孚於上六之陰。不知陰盛則陽衰。上六之陰。所以剝陽者也。故孚於剝而有危厲。居在尊位。孚於陰而奉承之。危道也。蓋小人獻媚求容。一爲所惑。君德卽衰。在君未嘗不以忠信待彼。彼亦未嘗疾惡其君。而小人之亂國家。猶陰之剝陽。其勢有必至者。故可危也。夫九五爲剛中之君。上爲无位之小人。易猶戒之如此。況以庸主遇得位之小人哉。

上六引兌

兌澤聚於上。其勢雖盛而不能流。任人所引而已。故引兌。居兌卦之終。當无位之地。而陰柔之性。下繫於陽。陽說則陰亦說。陰

不自說也。內說則外亦說。外不自說也。說不在己而係乎人。故曰引兌。所謂聞道德則有餘欣。見紛華則有餘慕也。互巽繩爲引。

三三換

坎下  
巽上

渙散也。風行水上。離披解散之象。故渙。風行而不居。水流而不  
停。皆有渙意。風能散。水能解。萬物得風而宣其鬱。得水而除其  
穢。亦渙之義。又以風入水。東風解凍之象。以風乘雨。風雨離披  
之象。故稱渙也。下有坎險。入而散之。渙之道也。

渙亨。王假有廟。利涉大川。利貞。

陰陽交通。故亨。身有痞結。則血氣不通。心有錮蔽。則意見不通。  
家自爲學。國自爲政。則教化不通。故渙乃亨也。王指九五。剛中  
居尊。天下之所歸往。巽爲高。互艮爲宗廟。坎爲宮室。爲鬼神。爲  
飲食。互震爲主祭。故假有廟。假至也。王至其宗廟也。王者立廟。  
聚天下之心而繫於一。卽所以散天下之私而成大公。是以家

必有祠。支子不私祭。鄉必有社。農民不私祭。天下之大。惟天子得以立七廟而祀上帝。四方諸侯助祭。不敢私其方物珍饗。而獻諸天子。天子亦不自私。而祀其父與祖。又推而祀其遠祖。又推於其極而祀天。所以合天下爲一家。不各家其家。合中國爲一人。不各人其人。渙之至也。萃言假廟。萃於公也。渙言假廟。渙其私也。卦相反而義相通。故其象同也。且祖宗已散之氣。聚於一堂。億兆不齊之心。衷於一本。何有於渙乎。此處渙之道也。坎爲大川。巽木在上爲涉。凍解風和。故利涉。人人有自爲之心。必不足以濟難。大公无我。不私其力。可以涉矣。剛柔互濟。五得正而在中。四得正而承陽。故利貞。渙者散不正之私心而歸於正也。

初六用拯馬壯吉

不入險中則不能散其險不入亂世則不能已其亂初居坎下而體巽爻欲以巽風散坎之險然位卑才弱力有不足故用拯以馬之壯者則吉馬謂二二居坎中爲美脊馬互震亦爲馬陽剛故壯馬之壯可以載人出險二之剛可以救世出險初順承之以資其力故吉初不言渙者初之時無所爲渙也

九二渙奔其机悔亡

二當坎水盛流巽風自上而下又互震雷而解故渙机通作几居所憑也坎木爲机九二陽奇其下陰耦机之象二合於初以爲机机固二之所有而身之所安也故曰其机二外應五而以陽應陽兩不相合故渙內乘於初以陽乘陰兩相合則安故奔



其机奔逃也。渙散於外而奔赴於內。去危而卽安也。故悔亡。

### 六三渙其躬无悔

三居身中故稱躬。互艮亦爲躬。居水面而上遇風。風樣流分。正渙之地。故渙其躬。水隨風以散。三隨四以動。三位在內而志在外。渙其躬之象也。老子曰。外其身而身存。又曰。人之有大患者。爲吾有身。人果不私有其身。則无可患也。位雖不中。亦自无悔。渙其躬。无我之謂。渙其羣。无人之謂。惟无我則得我。惟无人則得人矣。

### 六四渙其羣元吉渙有丘匪夷所思

六四成上卦之爻。風行水上而渙散之。故渙其羣。物三爲羣。指下三爻。又四與初三皆陰爲羣。四獨離其羣。進而承五。故渙其

羣得陰位之正上承乎陽居臣道之尊近得乎君不係於朋黨之私交而奉行王者之命令故元吉乾元託體於五六四奉五以申命體君之德以爲德故有其元艮山爲邱當渙之時而反有邱蓋散小羣所以成大羣也四在心位爲思人知羣之爲羣而不知不羣之所以爲羣故匪夷所思夷詞也或通作伊渙而有巳固非四之所計及也天地無私覆載故無不覆載日月無私照臨故無不照臨君子無私朋黨則賢才皆其朋黨矣四爲大臣之位一有私係則量必不廣心必不公賢才裹足四方解體其何以集眾思廣眾益乎

九五渙汗其大號渙王居无咎

互艮爲身互坎爲水水動於身上汗之象巽風能散散則得汗

汗則鬱解故渙汗巽爲號令陽爲大故稱大號五居尊位發號之君故曰其大號王者發號如汗之出身而不反所謂令出惟行弗惟反也汗由中達外潤乎皮毛而无不通號由上及下浹乎遐邇而无不被又陰陽和鬱滯開則汗九五陽德布令所以解民之鬱結而被以恩澤也艮爲門坎爲宮五爲王位故渙王居王以四海爲家四海皆王居也王不私其所有散其土地以與諸侯復散其畿內之土地以與畿內之公卿大夫能渙王居則无往非王居也故无咎三爲臣位故渙其躬八臣匪躬之義五爲君位故渙其居王者无外之義一說居居積也散其居積以予民也渙汗者解吾民之慍渙王居者阜吾民之財上九渙其血去逖出无咎

坎水爲血。坎險已散。汗旣浹洽。血亦流通。故渙其血。陰傷於陽。則血見。渙之終。兩不相傷。故渙散其血而去也。逃。遠也。上不在位。且距坎遠。似巽風之上於天。見其往。不見其反。故逃出。下雖有險。不能害之。故无咎。

三三節

兌下  
坎上

節限制也。坎水之流，兌水之聚。坎欲流而兌欲聚，故節。坎水之下，有兌澤以聚之，則不妄流。兌澤之上，有坎水以流之，則不過盈。節之象，又澤上有水，其容有限，亦節之象。坎爲法律，有法所以節之。兌爲說體，說以行節，則節非苦人之具。故彖曰：苦節，不可貞也。又兌秋，坎冬，自春而夏，生發過甚，故秋收冬藏以節之也。中互艮震，震欲動而艮止之，亦有節止之意。說以行險，節之道也。

節亨苦節不可貞

剛柔交通，故亨。事有節，則不過，不過則不窮，不窮則亨。又亨者，嘉會以合禮。禮必有節，故節有亨道。大離爲火，火味爲苦，節之

甚則人不能堪而苦之矣。苦節之窮也。當有變通不可守以正固。故不可貞。蓋一張一弛。文武之道。抑制不可太甚也。易以時中之道示人。防其太過。取象於節。節之甚則又非中道矣。

初九不出戶庭无咎

初九震爻爲出而在兌澤之下。上畏坎險。又遇互艮之止。故不出。又二至四互震。初在其下。故不出也。艮爲門闕。門內有庭。室內有戶。初居其內。潛而不出。不出戶庭之象。初不及位而居潛養之地。節制不出。可以无咎。又兌之初爻如水初生。深谷之中。涓滴之細。正當養其源而俟其盈也。

九二不出門庭凶

九二互震爲出。上畏坎險。而遇艮止。又掩澤中。故亦不出。艮爲

門九二坎爻爲宮在宮之外門之內不出戶庭之象然二已在位可以出矣業在室外徘徊門中當進而不敢進失時極矣故凶孟子曰禹稷顏子易地則皆然初之時未在位爲顏子之在陋巷可也二之時已受命矣膺禹稷之任三過其門而不入可也乃猶觀望不前節制不出則失其道矣又初在澤下水小二在澤中水大九二又互震爻春水時至強遏止之必有潰決之患觀初二兩爻有出處之道亦有治水之方焉

六三不節若則嗟若无咎

六三上欲制坎水之流下欲止兌澤之出而陰弱不中若有不能節者故不節若欲節不能則若有隱歎之意故嗟若蓋才本不足非其志在驕溢故无人咎之三不中不正居動止之間值

上下之際有不節象。坎爲憂。兌爲口。有嗟歎象。

### 六四安節亨

六四陰居陰位。上承九五之剛。剛柔相接。陰陽相通。自然有節而不過。非由勉強也。故安節而亨。四乘兌上。則水有源。居坎下。則流不盛。以五之陽爲隄。以三之陰爲谷。隄堅水靜。安瀾之象也。

### 九五甘節吉往有尙

互震稼穡爲甘。五在震上。故甘。甘者中和之味。五陽剛得中。故甘節。節以制禮。以禮爲甘。所謂禮義之說我心。猶芻豢之說我口也。中庸曰。發而皆中節。謂之和。節得中則和。和則甘。節而甘。中和之至也。其效足以位天地。育萬物。何事之不成。何生之不



遂乎。故吉。又乘澤則下有美泉。行坎則流行不滯。水所以甘也。甘則人享其利矣。坎彖曰。行有尚。九五體坎之德行。中之道。善爲節制。不溢不竭。故往而有尚。日月有節。故相推以生明。四時有節。故迭起以成功。事物有節。故層出而不窮。所以往則有進益也。

上六苦節貞凶悔亡

離火炎上爲苦。在互離之上。故苦。水流之窮。過爲節制而閉塞之。則甘變爲苦矣。居節之極。而至於苦。人所不堪。何以能久。故正固不變。則凶。此卽彖所謂苦節不可貞也。而上六固安於苦節而不悔者。故悔亡。若伯夷之餓。鮑焦之沈。似之。

三三 中孚

兌下  
巽上

中孚孚合也。信也。巽風能入。兌澤虛受。澤爲止水。遇風方動。風澤相合。中孚之象。下說以應上。上巽以順下。中孚之義也。巽體下斷。兌體上缺。上卦虛以孚下。下卦缺以孚上。所以孚於上下者。在中間。三四兩爻之陰虛。故稱中孚。指三四之在卦中也。而能孚於三四兩爻者。在二五之剛中。故稱中孚。指二五之得中位也。三四中虛孚之用。二五中實孚之體。陰陽交孚。孚之道也。其稱中者。陰宜在內。陽宜在外。以陽包陰。是以不過。陽又得中而陰順之。所以名中孚。大小過以陰包陽。陰又乘乎陽之上。則失中而過矣。

中孚豚魚吉利涉大川利貞

豚魚二物皆陰類三四兩陰處陽之內故象此二物中以相孚故外藉豚魚之物達其中之誠敬以供祭祀則蒙其福以敬賓客則聯其歡故吉非豚魚吉信及豚魚者之吉也中有誠德則所用之物載其意以俱傳與孚乃利用禴之意相近專言豚魚者自天子至於庶人祭祀燕享無不可用此二物中孚之吉固貴賤共之者也兌澤有川象巽木爲舟以涉之卦外實內虛亦舟之象相合而其濟故利涉大川唐人詩曰忠信涉波濤有中孚之德何險之不可涉也陽外陰內陽尊陰卑剛柔相濟各得其道故利貞

初九虞吉有他不燕

虞通作娛樂也微陽始生當兌說之初和平中正止應於四猶

赤子之初生。无欺无飾。不恃要約而自能信。未嘗感觸而自能誠。與物忘機。任天而動。是以歡虞而吉。燕安也。初與四相應。又與三同體。四巽卦爲進退爲不果。故有他。蓋卦有二陰。陽爻所欲孚者。然貴於專守。不宜旁分。初之吉者。在乎純一。若牽於外感。紛於物誘。既孚於四。又孚於三。志有他。則必不安矣。

九二鳴鶴在陰。其子和之。我有好爵。吾與爾靡之。

大離爲鳥。互震亦爲鳥。故稱鶴。震又爲善鳴。兌口亦鳴象。兌爲正秋。鶴鳴於秋。故鳴鶴。兌澤幽陰。二處兌中。故在陰。艮爲小子。小子指三。孚訓信。而本訓爲鳥抱卵。二以陽包陰。有伏卵象。三在其中。故象其子。上下卦兩口相對。故和之。九二剛中居下。於幽陰之處。吐和平之音。天籟自鳴。本不求和。然我有好音。應者

必无惡聲故有同類一體而相和所謂自然感召信以天也好爵猶天爵二陽剛得中而在臣位故有好爵我吾二自謂爾謂三好爵人所同好我有之我願與爾共之也廢其也又通作廢以爵祿係廢之也鵠鳴子和好爵爾靡皆相孚之意一說爵酒杯也九二坎爻爲酒震仰盂爲杯二得中故有好爵願與同好之人共醉之也詩曰我有旨酒嘉賓式燕以敖同樂之謂也

六三得敵或鼓或罷或泣或歌

卦惟三四兩陰三不中不正欲孚於上下諸陽而忌四之分其權故與之爲敵凡近而不相得則爭然四爲長女有安穩之形三爲少女有驕慤之態四得正而承陽有貞靜之美三不中而乘陽有躁動之害於是乘震而起則鼓下不敵上則罷制于四

而不得進則泣。四柔順而不傷之。又在孚時則歌鼓擊樂器。罷已也。互震鼓之象。互艮爲止。罷之象。兌澤在上。泣之象。兌口震聲。歌之象。三不中。故或之。或者游疑不決。大離爲火。躁動。故有歌泣無常之象。澤因風而起瀾。其形無定。亦此象也。

六四月幾望馬匹亡无咎

月至兌而將望。四處兌上。故幾望。又兌西震東。月生於西。日生於東。月得日光而幾望也。六四柔順靜正。上以承陽陰道之盛。故象月之將望。互震爲馬。四在震上。與上合而爲匹。而上近九五。以陰從陽。故絕同類之陰。而上孚於五。故馬匹亡。雖不中。可以无咎。

九五有孚攣如无咎

九五陽中居尊中孚之主故獨稱有孚卦名中孚所以孚者在平得中故初上三四不稱中孚二可以孚矣而以陽承陰亦不足以稱孚故獨歸之於五也互艮爲手故變如變如者如手之固結也五乘四四承五陰陽合德君臣同心相信之深固結不解故无咎五僅无咎者无應於下僅信於四无信及天下象也上九翰音登于天貞凶

大離爲鳥巽爲雞下應互震爲善鳴故稱翰音翰高也孚本象鳥之抱卵故二與上取象於鳥五六大天位六在天上故登於天失位則无所孚居上則過乎中以鳥音之細乘巽風之高而登天上以飛求願以鳴求應虛聲遠播誠信內衰實之不存名安能久不閱時而身名俱敗矣守此不變安得不凶故貞凶二得

中在下則在陰而子和自晦者其德愈彰上不中在上則登天而貞凶自炫者其實愈喪中庸曰君子之道闇然而日章九二之謂也小人之道的然而日亡上九之謂也



三三小過

震上  
艮下

小過過越也。又失也。差也。雷在山上。過而不留。小過之象。又雷震於高。過乎尋常。亦小過之象。卦畫四陰在外。二陽在內。以陰包陽。陰越過於陽之外。是以爲過。卦與大過相似。而大過則中有四陽。二五之陽據有中位。而不相遇。以陽爲主。故大過小過外有四陰。二五之陰據有中位。而不相遇。以陰爲主。故小過又大過雖陽盛。而內外皆陰卦。小過雖陰盛。而內外皆陽卦。處兩陰之卦。陽不相遇。則陽失其道矣。處兩陽之卦。陰不相遇。則陰失其道矣。

小過亨利貞。可小事。不可大事。飛鳥遺之音。不宜上。宜下。大吉。

陰陽相交。過而能通。故亨。剛柔相濟。柔得中。而二得正。故利貞。

周

易

注

卷下

真

陰之道主於正。故小過言貞也。陰爲小。陽爲大。陰得中。故可小事。陽失位而不中。故不可大事。震爲鵠。爲鳴。卦體外耦內奇。象鳥張翼。故稱飛鳥。身內止而外動。亦飛之象也。鳥之飛過乎山之上。而鳴音落於山之下。故遺之音以鳥之小而過乎高山。故不見其形。但聞其聲。然流音相及。尙不大過乎山。若更上飛。則必遇天風蕩撼而損滅矣。故不宜上。若能下飛而至山下。則飲啄得所而身安矣。故宜下大吉。鳥之飛象。陰之起。陰不可以乘陽。兩陽在卦之中。陰上則乘陽而逆。下則乘陽而順。故不宜上而宜下也。陽主進。陰主退。小過陰盛。故不宜前往而宜後退。若大過陽盛。陽欲其進。則利有攸往矣。

初六飛鳥以凶

小過有飛鳥之象。初與上其兩翼也。故皆稱飛鳥。初六陰柔居下。又體艮止。宜退不宜進。宜靜不宜動。乃應在震動。上翼既起而飛。下翼不能自止。牽連以飛。上遇大坎。坎爲險而不能避。故凶。

六二過其祖。遇其妣。不及其君。遇其臣。无咎。

五陰居尊位。爲二之妣。陰爲陽配。陰稱妣。則陽稱祖。二欲從五而隔於三。三陽爻爲二所牽者。故稱爲祖。二必越過三而後至五。故曰過其祖。遇其妣。祖固不可過也。以陰陽論爲祖妣。以尊卑論爲君臣。五君位。三臣位。二欲從五而隔于三。勢有不及。故不及其君而遇其臣。蓋二五皆陰。不能相應而進承九三。以陰順陽。故遇其臣也。二陰柔得中。又體艮止。欲過不過。謙退守分。

不急於事君而事其臣所以无咎

九三弗過防之從或戕之凶

九三陽爻伏於陰中。不過乎陰。故弗過。小過陰過乎陽。非陽過乎陰。故陽爻皆稱弗過。陰盛於下而欲止之。故防。防隄防也。卦象大坎爲水。三在中流。以陽資禦而止之。有防之象。從謂初二兩陰。陰本從陽。陰之過反足以滅陽。故戕之。戕傷也。或者疑前三不中。故疑之。兌毀折爲戕。三剛而不中。不能制羣陰。又在坎陷。不能遠去。僅僅隄防之。豈知洪波方至。非片壤所能障。陰方盛。豈不中之陽所能敵乎。故不免有意外之禍而凶也。

九四无咎弗過遇之往屬必戒勿用永貞

九四陽居陰位。雖雜取陰之中。不爲所忌。可以无咎。不能越過。

乎陰。故弗過與六五之陰相接而不正。故遇之。體震故往。陽失位而陰居尊。以陽承陰。遇不以正。往則危厲。必須戒之。惟有時自謹飭。不可有所施用。而永以正固自守也。蓋遇合之道。必出於正。合不以正。後必不終。又當陰過乎陽之時。不可前往求悅於陰。當靜守其正也。

六五密雲不雨。自我西郊。公弋取彼在穴。

五爲天位。大坎爲水。互兌爲聚水。水聚天上。故密雲而不雨。小過陰盛。六五陰爻。故象密雲。兌水坎水。亦密雲象。隔以二陽。故不雨。下有巽風散之。亦不雨象。兌位西。外卦爲郊。故稱西郊。西陰位。陰唱而陽不能和也。郊喻其遠。不相應故遠也。五陰爻乘陽不下。而又應陰。无陰陽相合之道。不能致雨。雖居尊位。不能

成功陰爻在五稱公坎爲弓矢巽爲繩故弋兌谷爲穴巽爲入坎爲隱伏三四在兌巽坎之中陽伏陰內失位而隱之象故戈而取之蓋陰必資陽方能成功五柔得中故急於求賢以自助也文王於小畜之彖曰自我西郊怨已无以致君也於此爻復曰自我西郊怨已无以助君也故願旁求賢哲輔君治民出在位之奸邪而取在野之君子不言王而言公者欲羣公爲王取士也其情切其意微矣

上六弗遇過之飛鳥離之凶是謂災眚

上六陰居極上獨遠乎陽故弗遇乎陽而反過之象鳥張翼故稱飛鳥震動之極下值艮止故離之飛而不下止於天上故凶鳥之飛終有所離特以區區小鳥入於天風震盪之上不知其

屬於何所爲可悲耳。陰陽不和則妖異生。小過之終以陰滅陽。不和之甚是之謂災眚也。

三三既濟

離下坎上

既濟既已也。盡也。濟度也。火性炎上而在下。水性潤下而在上。水火相交。剛柔相濟。既濟之象。水火各有流通之勢。火上有水。則火不烈。水下有火。則水不沈。故爲既濟也。卦畫三陰三陽各得其正。天下既平。萬事既定之象也。

既濟亨小利貞初吉終亂

陰陽相交。萬物以通。故亨。離陰得位。故小。事物既濟以後。雖有亨而已小矣。既未二卦。皆取離之中爻者。取其明不取其險也。又既濟之終。則不濟。未濟之始。亦不濟。故於既取下卦。於未取上卦也。剛柔互濟。六爻皆正而相應。故利貞。初吉指下卦。柔得中而有應。火得水以相濟也。終亂指上卦。陽陷於陰也。且濟之



始則求其濟。故吉。濟之後則无可濟。故亂也。夫亂生治。治生亂。雖曰天道。其中有人事焉。人情於未治之先。莫不振刷精神。以求其治。既治之後。則志滿意足。而驕慢生。故治之終。亂之始也。然古人有言。雖休勿休。聖王之視天下。雖治如未治也。君子之視其學。雖成如未成也。不自以爲終。故政曰美德日進。有吉而无亂。易之意。非謂終之必亂也。謂自以爲終者之必亂也。

初九曳其輪。濡其尾。无咎。

坎爲輪。初在坎下。故曳。曳。引動之也。輪所以濟車。有輪。舟亦可。有輪。輪者水火之交。陰陽之用也。方書有云。心火在上。腎水在下。脾胃爲輪。胃氣升則腎水隨而升。心火可以不燥。脾氣降則心火隨而降。腎水可以不寒。此人身中之輪也。日月運行而爲。

晝夜日月亦輪也。天地旋轉而成世界。天地亦輪也。故易於終篇繫以既未明陰陽之交也。既之初未之二皆取象於輪。明陰陽之所以交也。初九有可濟之才。而居下无位。未能卽濟。故牽引其輪。資之以濟。初爲尾。上遇坎水。故濡尾在身下。僅濡其尾。未濡其身。猶可以待時而濟。故无咎。

六二婦喪其茀勿逐七日得

離爲中女。故稱婦。茀車蔽也。坎爲車。二當將濟之時。又得中有應。可以登車而往。乃乘剛而動。震驚不安。又上而遇坎。坎爲盜。故喪其茀。喪則車不可乘。道不可往矣。婦人性柔。雖失其茀。而力不能逐。於義亦不可逐。故勿逐。然中正之道。无終廢之理。不可行於今。必可行於後。靜以待之。時至則失者自復矣。離爲

日歷爻位一周復至本爻爲七日。二自有可得之道。歷一周則自得也。蓋二本陰柔。不敢輕濟。又在下體。故當安靜俟之。

九三高宗伐鬼方三年克之。小人勿用。

離爲兵戈。故伐。坎爲寇盜。爲險。爲隱伏。險阻隱伏。故稱鬼方。鬼方。遠方之國也。離明可以及遠。故有伐鬼方象。高宗殷中興之君。九三剛健文明。賢君之象。又在旣濟之中。故取象於中興之君也。三年者。三爻。九三未得中位。又體坎爲勞。爲險。有艱難險阻之象。故三年克之。克勝也。夫當旣濟之時。以賢明之君。伐昏亂之國。尙待三年而後克。可見勤遠略之不易。而太平之時。舉事爲甚難也。戰伐大事。必賢明果決之君。而後能克。豈陰柔小人之所能乎。故小人勿用此爻。然則後世人君。任小人以開邊。

讐者可以戒矣。

六四繻有衣袽終日戒

爻處兩坎之間重陰沍寒而六四互離又在離上離爲火火則溫暖故繻有衣袽繻通作縠縠羅衣也。羅溫也有又也衣著之也。袽卽絮也。縠又著絮爲裏所以禦寒而取溫也。離爻卽坤爻有衣裳之象故稱繻袽。上下兩陽四離其中象繻中之衣袽。六四巽爻巽爲柔木爲繩爲工采袽而紉之以繩成之以工故衣袽離卦已終故終日上下坎險故終日戒。一火在兩水之間恐爲所滅無時不警戒也。旣濟之時坎險已伏老臣憂國之心能頃刻忘乎。

九五東鄰殺牛不如西鄰之禴祭實受其福

離日在東坎月在西東鄰指二離爲兵爲牛故殺牛西鄰謂五坎爲酒食爲鬼神故禴祭禴祭之薄者日出於東而沒於西萬物生於東而成於西東鄰不得其時徒備其物殺牛以祭禮雖豐而神未必享不如西鄰之祭雖薄神享之而受福也書曰黍稷非馨明德惟馨禮曰祭時爲大時未至雖求福未必得福時已至則天與人歸不恃虛文而收實惠蓋二不如五之得位而乘時也一說坎位在北坎前爲東東鄰指上坎後爲西西鄰指四上已失時不如四在既濟之中爲得時也

上六濡其首厲

上爲首坎爲水故濡上居既濟之終以爲已治已安不防坎險之忽至故濡其首而厲蓋火得水以濟濟而不已其終必至滅

火故旣未之終皆以濡首爲戒亦以其過中失位而戒之也又  
坎者險也君子時時防之稍疏焉則險卽至此聖人之所懼也

三三未濟

坎下離上

未濟欲濟而尙未濟也。坎離雖有相濟之勢，而離火在上，坎水在下，水火不交，不相爲用。故未濟水火互相爲用，究則水火各歸其根。此旣濟繼以未濟也。旣濟者，人道之終，猶事物已成之後。未濟則未終，未終則生生不已，而無窮。故易終於未濟，寓變通不窮之意。全卦陰陽失位，亦未濟象。

未濟亨小狐汔濟濡其尾无攸利

未濟則必求濟，生生不已。陰陽交通，雖未濟亦亨也。五得中，故亨。五陰爻，故稱小。坎爲狐。汔，濟將濟也。小狐力微，不能出險，汔汔乎濟矣。而濡其尾，不敢竟濟，故无攸利。坎水在下，故濡其尾。初六濡其尾吝。

初爲尾在坎水下故濡初六陰柔居下又值坎險本无能濟之才急于求進至濡其尾吝道也

九二曳其輪貞吉

互坎爲輪二在坎下故曳之九二陽剛得中有可濟之才居未濟之地不敢輕進資輪以進故正固而吉

六三未濟征凶利涉大川

六三將出內卦而至外卦欲濟而仍未濟故言未濟未濟而征則凶坎爲大川在坎上故利涉大川險本當出三在坎上可以出矣故利涉征則凶而涉則利者三在坎上又遇互坎險難在前不可征進宜有濟難之方如坎水在前不可前行宜爲舟楫以渡之也



九四貞吉悔亡震用伐鬼方三年有賞于大國

九四已出坎險而體離明有陽剛之才守柔順之道正固以待其濟故吉雖承陰其悔亦亡九四震爻故稱震震者臨事而懼震動恪恭之意也未濟之九四卽既濟之九三皆以陽爻居坎險故亦用此爻以伐鬼方既濟之三以陽居陽是君伐之未濟之四以陽居陰是臣奉君命伐之君動遠略非君德之美臣伐遠方則臣力之勤故三年既克賞以大國之封也陽稱大外卦稱國賞以春夏震爻爲春離卦爲夏受賞之時

六五貞吉无悔君子之光有孚吉

六五陰居陽位柔而得中守正以待濟故貞吉雖乘剛可以无悔離日爲光得中故稱君子以陰柔之德居一卦之尊所謂微

柔懿恭光於四方也。又體離火之明，有虛中之美，知人善任，卑己求賢，致天下之俊傑，與之共濟艱難，則一人之光及於天下，而天下之光皆其光也。是以上下交孚，事无不濟，吉可知矣。坎爲孚，五以陰孚陽，故有孚而吉。

上九有孚于飲酒，无咎，濡其首，有孚失是。

未濟之終，可以濟矣。而上九无位，故當有合於五。飲酒宴樂，以享其成，可以无咎。坎爲孚，又爲酒。上以陽孚於五之陰，爲五所禮。五能濟難，上下交歡，上不在位而逢其時，故但歡然而飲其酒也。然天下至甘之中，藏有至苦；厚味之中，伏有厚毒。若飲酒而不知節，至於濡首，則恃其有孚而失其是矣。上爲首，遇坎水，故濡。火之終，則以水滅之，是以濡也。易以時中之道示人，故終

之以既未。既太過也。未不及也。過與不及之間。其中乎。未濟爲不及。上九則在卦。又爲太過。故爻繫之以失是。失是非也。孔子象傳繫一亦字。意謂不及固非也。太過亦非也。故知易之道一中而已。不易者易之中也。變易者易之時中也。

周易注卷下

跋

先大夫嗣香公易註積數十寒暑始脫藁猶時時就正於有道不欲遽付剞劂至德尙書周慤愼公精研易學己未庚申間退居津門與先君交最密朝夕過從因持此相質深荷贊許謂爲博學近思闡發無遺並錄十六卦入所著易理匯參先君欣然頗重知己之感未幾尙書薨逝先君亦見背古學陵夷經義日湮遂無人過問今春尙書哲嗣止菴總長徵求遺稿刻之師古堂叢書俾廣流傳寶訓欣感無量爰浼徐君蔚如爲之校讐錄副藉陳一甫先生以達於是先君著作得以傳播方來永垂不朽謹志其顛末於後以見是書之淵源云

甲戌九月天津李寶訓謹跋